

JERBAL

JEPTA 1

- [Jr 1.1] Bok eo mokta I ar kōmman, O Tiopilōs, kōn men otemjej Jijej ear jino in kōmman im katakin.
- [2] Ñan raan eo raan in bōklōñ]ok E ñan lañ, ālikin An le]ok kien ko kōn Jetōb Kwōjarjar, ñan ri jelōk ro E ar kãâlōt er:
- [3] Im E make kwa]ok E ñan er im mour ālikin An eñtaan, kōn elōñ kakō]le re mool otem mool, im weaaktok ñan er iumwin eñoul raan, im Ej kōnono men ko an aelōñ in Anij,
- [4] Im ke Ej kweiloklok ippaer, Ej jiroñ er bwe ren jab ilok jãn Jerusalem, a kattar an Jemen kallimur, eo, Ej ba, kom ar roñ jãn Eō:
- [5] Bwe emool Jon ear peptaj kōn dãn, a e jab elōñ raan tokālik kom naaj peptaj ilo Jetōb Kwōjarjar.
- [6] Innām ke rej kweiloklok, rej kajjitōk ippãn im ba, Irooj, kwōj bar karōk aelōñ in Israel iien in ke?
- [7] Im Ej ba ñan er, E jab emman ami jelā iien ko, ak tōre ko Jema ear likūti ilo An kajoor.
- [8] A kom naaj bōk maroñ ñe emōj an Jetōb Kwōjarjar itok iomi; im kom naaj Aō ri kōnnaan ilo Jerusalem, im i aolepen Judia, im i Sameria, im ñan āne eo eto]ok tata i la].
- [9] Im ke emōj An kōnono men kein, ke rej kallimjeke, ar bōklōñ]ok E, im juon kōdo ej bōk E jãn mejeir.
- [10] □Im ke rej kanooj ejed im kallimjek i lañ ke Ej waan lōñ]ok, ruo armej rej jutak iturir, emouj nuknuk ko aer;
- [11] Im re ba, Kom, armej in Galili, etke komij jutak im rei]ok wōt ñan lañ? Jijej in, eo emōj bōklōñ]ok jãn kom ñan lañ, E naaj itok āinwōt, ilo wāween deiñ ami lo An ilok ñan lañ.
- [12] Innām rej jep]aak ñan Jerusalem jãn to] eo etan Olivet, joñan etal ilo raan in Jabōt jãn Jerusalem.
- [13] Im ke rej deloñ, rej wanlōñ]ok ñan juon po, ijo Piter im Jon im Jemes im Andru, Pilip im Tomas, Bartolomu im Matu, Jemes nejin Alpiōs, im Saimōn ri Zelōt, im Judas jaten Jemes, rej pād ie.
- [14] Rein otemjej rej pād im būrueir wōt juon ilo aer jar im kajjitōk, kab kōrā ro, im Meri jinen Jijej, kab ro jaten maan.
- [15] Im ilo raan ko Piter ej jutak eo]ōpin ro ri ka]oor, im ba (im jar eo rej kweiloklok e nañin jibukwi im roñoul armej,)
- [16] Kom jeiō im jatiō, emman ren kamool Jeje in, an Jetōb Kwōjarjar kōnono mokta iluñin Devid kōn Judas, eo e ar tōl ro raar jibwe Jijej.
- [17] Bwe ar bwine ña ipped, im e ar bōk mōttan jermal in.
- [18] Innām armej in e ar wiaik juon wāto kōn oñan an nana, im ej buñtake bōran, im erup lojien, im majñal otemjej re wōt]ok.

- [19] Im er otemjej raar pād ilo Jerusalem re jeļā; im raar likūt etan wāto eo ilo aer in naan, Wāto in bōtōktōk.
- [20] Bwe ar jeje ilo bok in Sam ko, m̄weo im̄ōn en jeepep̄lōk, im ejjelōk armej en jokwe ilowan; im, Bar juon en bōk jerbāl eo an.
- [21] Innām jān armej rein ro raar pād ipped iien otemjej ke Irooj Jijej ear itoitak ioļaped,
- [22] Jinoin jān an Jon peptaij n̄an raan eo wōt raan in bōklōñlōk E jān kōj, em̄man juon iad en ri kōnnaan ipped kōn An jerkakpeje.
- [23] Im raar kajutak ruo, Josep etan Barsebas, āt eo juon Jōstōs, im Mattaias.
- [24] Im rej jar, im ba, Kwe, Irooj, kwōj jeļā būruen armej otemjej, kwōn bakajjien wōn iaerro Kwōj kāālōt e.
- [25] Bwe en bōk m̄ōttan jerbāl in im jerbāl an ri jelōk, men eo Judas ear buñ jān e bwe en ilōk n̄an jikin.
- [26] Im rej likūt kakōļaerro; im bōk kakōļan Mattaias; im rej bwine ņa ippān joñoul im juon ri jelōk.

JEPTA 2

[Jr 2.1] Im ke em̄ōj an itok raan in Pentekost, er otemjej rej pād ilo juon jikin, būrueir wōt juon.

- [2] Im em̄ōkaj an juon ainikien itok jān lañ, āinwōt aire, im ej kobrak aolepen m̄weo ijo rej jijet ie.
- [3] Im lo ko romiōñe āinwōt urur, rej weaaktok n̄an ippaer, im jok ioer otemjej:
- [4] Im er otemjej rej obrak kōn Jetōb Kwōjarjar, im jino aer kōnono kōn bar jet loer, āinwōt Jetōb ej leļōk n̄an er bwe ren kōnono.
- [5] Im jet ri Ju ro, armej ri kabuñ, jān aelōñ otemjej ium̄win lañ rej jokwe i Jerusalem.
- [6] Im ke raar roñ ainikien in, jar eo rej kwelōkļōk, im eļap aer lōļñōñ, bwe jabdewōt iaer ej roñ aer kōnono ilo an in naan.
- [7] Im er otemjej rej ļokjenaer im bwilōñ, im ba n̄an doon, Lo, rein otemjej rej kōnono, re jab ri Galili ke?
- [8] Im ekōjkan jej roñ ilo ad in naan, ijo jaar ļotak ie?
- [9] Ri Partia, im ri Midia, im ri Ilam, im ro rej pād i Mesopotemia, im i Judia, im Kapedosia, i Pontōs im Esia,
- [10] □Prijia im Pampilia, i Ijpt, im ilo jet m̄ōttan ko an Libia iturin Sairine, im ro ruwa jān Rom ri Ju ro, im ro ri proselait,
- [11] Ri Krit im ri Arebia, jej roñ aer kōnono ilo ad in naan men ko reļap an Anij.
- [12] Im er otemjej rej ļokjenaer, im pere, im ba n̄an doon, Ta meļeļein men in?
- [13] Im bar jet rej kajjirere im ba, Armej rā remāt kōn wain ekāāl.
- [14] A Piter ej jutak ippān joñoul im juon, im koutiej ainikien, im ba n̄an er, Kom, armej in Judia, im kom otemjej komij pād i Jerusalem, komwin jeļā men in, im karoñjake naan ko aō;

- [15] Bwe lõmarã re jab kadek, ãin ami lõmñak de in, bwe awa in kein ka ruwatimjuon wõt ilo raan.
- [16] A men in men eo ri kanaan Joel ear kõnono kake;
- [17] Im Anij ej ba, Ilo raan ko ãliktata, Inaaj lutõk aõ Jetõb ioon kanniõk otemjej: im ro nejemi maan im ro nejemi kõrã re naaj rũkaanij, im likao ro ami renaaj lo visiõn ko, im lõllep ro ami re naaj tõnak tõnak ko.
- [18] Im ilo raan ko I naaj lutõk aõ Jetõb ioon ro ri korijera maan im ioon ro ri korijera kõrã; im renaaj ri kanij.
- [19] Im I naaj kwaļok men in bwilõn ko i lañ, im kakõlle ko i laļ; bõtõktõk, im kijeek, im tab im baat:
- [20] Aļ enaaj erom marok, im allõn erom bõtõktõk, moka jãn raan in Irooj ej itok, raan eo eļap im men in bwilõn;
- [21] Im jabdewõt eo enaaj jar ilo etan Irooj enaaj mour.
- [22] Kom, armej in Israel, komwin roñjake naan kein; Jijej ri Nazeret, juon emman Anij ear kakõllen emman ñan kom kõn jermal ko reļap im men in bwilõn ko im kakõlle ko, men ko Anij ear kõmanman kõn E ioļapemi, ãinwõt ami jeļã:
- [23] Leo, Anij ear ketak E ilo An pepe im An jeļã moka, Eo kõn armej renana kom ar debwãal im man E;
- [24] Eo, Anij ear kejerkakpeje, ke emõj An jeļate eñtaan ko an mej; bwe mej ejab maroñ in dãpij E.
- [25] Bwe Devid ej kõnono kõn E, I ar lo Irooj iien otemjej imaan meja; bwe Ej pãd i anbwijmaroñiõ bwe in jab makõtkõt.
- [26] Innãm ear mõñõñõ būruõ im lañlõn loiõ; im bar jet, kanniõkiõ enaaj barãinwõt jokwe ilo kõjatdikdik;
- [27] Bwe Kwõ jãmin likūt aõ ilo Hedis, im Kwõ jãmin leļok am Ri Kwõjarjar bwe En lo kõt.
- [28] Kwaar kwaļok ial in mour ko ñan eõ; Kwõ naaj kobrak eõ kõn mõñõñõ ilo mejõm.
- [29] Armej jeiõ im jatiõ, in kõnono alikkar ñan kom kõn Devid ri petriark, bwe ear mej, im ar kalbwin e, im lõb eo lõben ej pãd ipped ñan raan in.
- [30] Innãm bwe e ri kanaan, im jeļã bwe Anij ear kanejnej ñan e kõn juon kanejnej, bwe jãn iaan ro nejin, Enaaj kajijet juon ioon tũroon eo an;
- [31] Ke ear lo men in moka, e ar kõnono kõn an Kũraij jerkakpeje, bwe Ear jab pãd ilowan Hedis, im kanniõkin ear jab lo kõt.
- [32] Anij ear kejerkakpeje Jijej in, kõm otemjej ri kõnnaan kake.
- [33] Anij ear koutiej E kõn anbwijmaroñan, im E ar bõk jãn Jemen kallimur kõn Jetõb Kwõjarjar, innãm Ear lutõk men in, men eo komij loe im roñjake.
- [34] Bwe Devid ear jab wanlõñļok ñan lañ ko; bwe e make ba, Irooj e ar ba ñan aõ Irooj, Kwõn jijet i anbwijmaroñiõ.
- [35] Ñan iien eo Inaaj likūt Am ri kõjdat eran niom.
- [36] Innãm ro nukwin Israel otemjej ren kanooj jeļã, bwe Anij ear kõmanman Jijej eo bwe En Irooj im Kũraij, eo kom ar debwãal E.

- [37] Im ke rej roñjake men in, e lel būrueir, im rej ba ñan Piter im ri jelōk ro jet, Kom ro jeim im jatim, ta eo kōm̄in kōm̄mane?
- [38] Innām Piter ej ba ñan er, Kom otemjej komwin ukeļok ippemi, im peptaij ilo etan Jijej Kūraj bwe En julok jerōwiwi ko ami, im kom naaj bōk men in letok eo, Jetōb Kwōjarjar.
- [39] Bwe kallimur eo ñan kom, im ñan ro nejemi, im ñan ro otemjej rettoļok, ro jabdewōt Irooj ad Anij enaaj kūr ñan E.
- [40] Im kōn bar elōñ naan ko ej kōnnaan im kauwe er, im ba, Komwin make lomōoremi jān epepen in ankeke.
- [41] Innām ro rej bōk naan eo an, rej peptaij: im ilo raan eo e nañin jilu tōujin armej rej koba ña ippaer.
- [42] Im rej pād im pen ilo katak im kōm̄mao ippān doon an ro ri jelōk, im ilo ruji bred, im ilo jar ko.
- [43] Im mijak ej itok ioer otemjej: im ri jelōk rej kōmanman elōñ men in bwilōñ ko im men in kakōļle ko.
- [44] Im ro otemjej rej tōmak rej pād ippān doon, im men otemjej ippaer, aer.
- [45] Im rej wiakaki men ko im m̄weiuk ko m̄weiieir, im kajimwe aer ajej ñan er otemjej, āinwōt jabdewōt armej ej aikuj.
- [46] Im ilo raan otemjej rej pād im pen, im būrueir wōt juon, ilowan tempel, im ruji bred ilowan imweir, im rej m̄ōñā kijeir ilo m̄ōñōñō im emman būrueir,
- [47] Im wūjtake Anij, im kabuñbūruen armej otemjej. Im Irooj ej kobaik ña ippaer ro renaaj mour, ilo raan otemjej.

JEPTA 3

- [Jr 3.1] Im kiiō Piter im Jon rej wanlōñļok ñan ilowan tempel ilo awa in jar, awa eo jilu.
- [2] Im juon armej e kūrro jān lojien jinen, im ar bōktok im likūt e raan otemjej ña iturin aor in tempel, etan aor eo Wūlio, bwe en kajjitōk m̄weiiien tūriaṃo jān ro rej deļoñ ilowan tempel;
- [3] Ke ej lo Piter im Jon re nañin deļoñ ilowan tempel, ej kajjitōk m̄weiiien tūriaṃo.
- [4] Im Piter ej kallimjeke kab Jon, im e ba, Kwōn lale kōmro.
- [5] Im ej eoroñ erro, im ļōm̄nak enaaj bōk men eo jabdewōt jān er.
- [6] A Piter ej ba, ejjeļok silver ak kool ippa; a men eo ewor ippa, ij lewōj ñan eok: Ilo etan Jijej, ri Nazeret, kwōn jutak im etal.
- [7] Im ej kabwijere anbwijmaroñan, im kajutak e: im emōkaj an pen neen im kōbkōb in neen.
- [8] Im ej kaiure im jutak, im etetal, im ej deļoñ ippaerro ña ilowan tempel; ej etetal, im kāke, im wūjtake Anij.
- [9] Im armej otemjej rej lo an etetal im wūjtake Anij:
- [10] □Im re kile bwe e eo ekar jijet kōn m̄weiiien tūriaṃo iturin aor Wūlio in tempel; im rej obrak kōn bwilōñ im ļokjeṃaer kōn men eo ear itok ñan e.
- [11] Im ke ej dāpij Piter im Jon, armej otemjej rej ettōrļok ñan ippaer iumwin portiko etan an Solomōn, im eļap aer bwilōñ.

- [12] Im ke Piter ej lo men in, ej uwaak ñan jar eo, Kom, armej in Israel, etke komij bwilõñ kōn Je in? ak etke komij kallimjek kōm, ãinwõt eļaññe kōmro ar kōmman armej in, bwe en etetal kōn amro kajoor ak kwōjarjar?
- [13] Anij an Ebream, im Aisak, im Jekōb, Anij an ro jimmad, Ear kaiboojoj Nejin, Jijej; eo kom ar ketak E im kaarmejjete imaan mejan Pailat, ke ear ļōmņak bwe en kōtļok E.
- [14] A kom ar kaarmejjete Ri Kwōjarjar im Emman, im kajjitōk bwe en lewōj ri uror ñan kom:
- [15] Im kom ar man Irooj in mour, eo Anij ear kejerkakpeje jān ro remej; im kōm ri kōnnaan kake.
- [16] Im etan, ilo lōke etan, ear kakajoor armej in, eo komij loe im jeļā: aet, lōke eo ej ilo E ear leļok ñan Je in mour otem mour imaan mejemi otemjej.
- [17] Im kiiō ro jeiō im jatiō, I jeļā bwe kom ar kōmman men in ilo ami jaje, im barãinwõt irooj ro ami.
- [18] A men ko, Anij ear kwaļok mōkta kōn loñin ri kanaan ro An otemjej, bwe Kūraij eo An Enaaj eñtaan, ãindein An kajejjet.
- [19] Innām komwin ukeļok ippemi, im bar oktak, bwe en jeorļok jerowwiwi ko ami, im bwe en waļok iien aemōļoļo ko jān imaan mejan Irooj:
- [20] Im bwe En jilkintok Ri Kūraij, eo ar likūt E ñan kom mōkta, aet, Jijej,
- [21] Eo lañ en bōk E, ñan iien ko iien karōk men otemjej Anij ear kōnono kaki, kōn loñin ri kanaan kwōjarjar ro An otemjej jān iien mōktata.
- [22] Bwe emool an Moses ba, Juon Ri Kanaan, ãinwõt ña, Irooj Anij enaaj kajutak ñan kom jān ro jeōmi im jatōmi; kom naaj eņroñ E kōn men otemjej jabdewōt Enaaj ba ñan kom.
- [23] Im armej otemjej ro rejab eņroñ Ri Kanaan eo, renaaj jako jān armej raņ.
- [24] Aet, ri kanaan otemjej jān Samuel, im ro ālikin, er otemjej raar kōnono, ãindein aer kōnnaan kōn raan kein.
- [25] Kom ro nejin ri kanaan ro, im ri jolōt kallimur eo Anij ear kōmman ippān ro jimmani, im ba ñan Ebream, Im ilo inioņ naaj kaņōņōņōik nukwin otemjej i laļ.
- [26] Ñan kom mōkta, emōj an Anij kejerkakpeje Nejin, Jijej, E ar jilkin E wōj bwe En kaņōņōņōik kom, kōn An ukōt kom otemjej jān jerowwiwi ko ami.

JEPTA 4

- [Jr 4.1] Im ke rej kōnono ñan armej raņ, pris ro, im irooj in tempel, im Saddusi ro, rej kālōk ioer,
- [2] E eñtaan būrueir kōn airro katakin armej, im kwaļok kōn Jijej jerkakpeje jān ro remej.
- [3] Im rej jibwe er, im likūt er ilowan prisōn ñan raan eo ilju; bwe ejota kiiō.
- [4] A elōñ iaan ro raar roñ naan, rej tōmak: im oran armej ro e nañin ļalem tojtin.
- [5] Im ke ilju, irooj ro aer, im elder ro, im skraib ro,
- [6] Im Annas pris eo eļap, im Keiapas, im Jon, im Alexander, im er otemjej ro nukwin pris eo eļap, rej kweilōklōk ilo Jerusalem,.

- [7] Im ke emōj aer kajutak er eoļōp, rej kajjitōk, Ilo an wōn kajoor, ak ilo etan wōn, kom ar kōmman men in?
- [8] Innām Piter, eobrak kōn Jetōb Kwōjarjar, e ba ñan er, Kom irooj an armej raņ, im elder ro,
- [9] Eļañne komij kajjitōk ippem, iumwin raan in, kōn men eo emman kōm ar kōmmane ñan armej e kūrro, ta eo ļeiņ ej mour kake;
- [10] □Emman komwin otemjej jeļā, kab armej in Israel otemjej, bwe ilo etan Jijej Kūraj Ri Nazeret, Eo kom ar debwāāl E, Eo Anij ear kajerkakpeje jān ro remej, aet ilo E armej in ej jutak im mour imaan mejemi.
- [11] E in ejmaan eo, kom ri kal ar kajekdoņ E, eo emōj kōmman E jabōn im.
- [12] Im mour ilo ejjeļok bar juon: bwe ejjeļok bar juon āt iumwin laņ, im letok ñan armej bwe jān mour ilo E.
- [13] Im ke rej lo an Piter im Jon peran, im ar kile bwe re ri jab katak im ri jab mālōtlōt, re bwilōñ; im rej jeļā kajjieir bwe re kar pād ippān Jijej.
- [14] Im kōn aer lo armej eo raar kemour e, ej jutak ippaerro, ejjeļok ippaer bwe ren kōnono ñae men in.
- [15] Im ke emōj aer jiroñ er bwe ren ilok jān jar eo, rej pepe ippān doon,
- [16] Im ba, Ta eo jān kōmman ñan armej rein? bwe emool raar kōmman juon kakōļle eļap, im ej alikkar ñan er otemjej rej jokwe i Jerusalem: im jej ban kaarmejjete,
- [17] A bwe en jab buñbuñļok wōt ñan armej, jān kanooj kalōļņoñ er, bwe ren jab bar kōnono ñan jabdewōt armej ilo āt in.
- [18] Im rej kūrtoke er, im jiroñ er bwe ren jab kōnono ñan jidik im jab katakin ilo etan Jijej.
- [19] A Piter im Jon re uwaak im ba ñan er, Eļañne ejimwe imaan mejan Anij bwe kōmin eņroñ kom eļap jān Anij, komwin ekajete.
- [20] Bwe kōm jab maroñ in jab kōnono men ko kōm ar loi im roņjake.
- [21] Im ke emōj aer bar kalōļņoñ er, rej kōtļok er, bwe re jab lo ekōjkan aer deņļoke er, kōn armej raņ; bwe armej otemjej rej wūjtake Anij kōn men eo raar kōmmane.
- [22] Bwe armej in rūttōn eņoul iio im jimā, eo ar kōmman kakōļle in ioon im kemour e.
- [23] Im ke ar kōtļok er rej ilok ñan ro jeraer, im kwaļok men otemjej, pris ro reļap im elder ro raar ba ñan er.
- [24] Im ke emōj aer roņjake, rej jimor koutiej ainikier ñan Anij, im ba, O Irooj, Kwe kwaar kōmanman laņ, im laļ, im ļometo, im men otemjej ilo er:
- [25] Kwe kwaar ba kōn loņin jimam Devid, ri korijeraņ, Etke ri aelōñ ko raar būroñ, im armej ro rej lōkōm men ko men in jekdoņ?
- [26] Kiñ ro i laļ rej jutak, im irooj ro rej kapata ñae Irooj im Eo Ear kapit E.
- [27] Bwe emool, Herod, im Pontiōs Pailat, im ri aelōñ ko, im armej in Israel raar kapata ilo jikin kwelok in ñae Jijej Ri Korijerōm ekwōjarjar, Eo Kwaar kapit E,
- [28] Bwe ren kōmanman men eo jabdewōt Piom im Am ļomnak raar pepe mokta bwe ren waļok.

- [29] Im kiið, O Irooj, kwõn lale aer naan in kalõlñõñ: im letok ñan ro ri korijerõm, bwe kõn eļap peran ren kwaļok Aṃ in naan,
- [30] Ke Kwõj erļoke piom bwe en kemour; im bwe ren kõmanṃan men in kakõļle ko im men in bwilõñ ko ilo etan Jijej, Ri Korijerõm ekwõjarjar.
- [31] Im ke emõj aer jar, jikin eo rej kweilokļok ie e maķtkõt; im er otemjej reobrak kõn Jetõb Kwõjarjar, im kõn aer peran rej kwaļok naan in Anij.
- [32] Im jar eo rej tõmak, bũrueir wõt juon; im ejjelok juon iaer e ba, ṃweiuk ippån ṃweiien wõt, bwe ṃweiuk ko ṃweiieir otemjej.
- [33] Im ro ri jelok kõn eļap kajoor rej kwaļok aer kõnnaan kõn an Irooj Jijej jerkakpeje: im eļap jouj ioer otemjej.
- [34] Bwe ejjelok iaer e aikuj; bwe ro ewor aer wãto ak iṃweir rej wiakaki, im bõktok oñan men ko,
- [35] Im likũte ṅa iturin neen ro ri jelok: im rej ajej ñan kajju iaer ãinwõt aer aikuj.
- [36] Im Joses, eo ri jelok rej likũt etan Barnebas, (ukõtõn naan in Nejin kauwe), Ri Livai armej in Saiprõs,
- [37] Wãto eo an, ear wiakake, im bõktok ṃani, im likũt ṅa iturin neen ro ri jelok.

JEPTA 5

- [Jr 5.1]A juon emṃaan etan Anenaiõs, kab Sappaira lio pãleen, ej wiakake juon wãto.
- [2] Im ej kijenek oñan, im lio e barãinwõt jelã kake, im ej bõktok ṃõttan oñan, im likũte ṅa iturin neen ro ri jelok.
- [3] A Piter ej ba, Anenaiõs, etke Setan ej kobrak bũruõm bwe kwõn riab ñan Jetõb Kwõjarjar, im kijenek oñan wãto eo.
- [4] Ke ej pãd e jab aṃ wõt ke? im ãlikin wiakake ejab ilo aṃ maroñ ke? etke kwaar ļõmṃak men iṅ ilo bũruõm? kwaar jab riab ñan armej raṅ, a ñan Anij.
- [5] Im ke Anenaiõs ej roñ naan kein e buñ im mej. Im eļap lõlñõñ ej itok ioon ro otemjej rej roñ men kein.
- [6] Im likao ro re jutak, im kũtimi, im bõkļok, im kalbwin e.
- [7] Im awa ko jilu tokãlik, lio ej itok, im ejaje men ko ar kõmanṃAn.
- [8] Im Piter e uwaak e, Kwõn ba ñan eõ, koṃro ar wiakake wãto eo kõn men iṅ wõt ke? Im ej ba, Aet, kõn men iṅ wõt.
- [9] Innãm Piter ej ba ñan e, Ekõjkan, etke koṃro ar pepe ippån doon bwe koṃwin ṃoṅe Jetõb an Irooj? lo neen ro raar kalbwin ļeo pãleem, rej pãd ilo kõjãm, im renaaj bõkļok eok.
- [10] □Innãm emõkaj an buñ ṅa iturin neen im mej; im likao rej deļõñ, im lo an mej, im rej bõkļok, im kalbwin e ṅa ippån ļeo.
- [11] Im eļap lõlñõñ ej itok ioon ri eklejia otemjej, im ioon ro otemjej rej roñ men kein.
- [12] Im kõn pein ro ri jelok elõñ kakõļle im men in bwilõñ ar kõmanṃAn ippån armej raṅ; im er otemjej rej jimor ilo portiko an Solomõn bũrueir wõt juon.
- [13] A iaan rojet ejjelok juon armej e peran bwe en koba ṅa ippaer; a armej raṅ rej nõbar er.
- [14] Im ro ri tõmak rej koba im orļok ṅa ippån Irooj, elõñ ṃaan im kõrã;

- [15] Innām rej bōkļok ro ri nañinmej ilo ial ko, im likūt er ɲa ioon kein babu ko aer im kinier, bwe annañin Piter, ke ej kijoon er, en kallor jet iaer.
- [16] Im bar elōñ rej itok ñan Jerusalem jān jikin kwelok ko iturin, im bōktok ro re nañinmej, im ro rej abnōnō kōn jetōb rettoon; im rej kemour er otemjej.
- [17] A pris eo eļap e jutak, im ro otemjej rej pād ipped, (eo jaran Saddusi ro) im rej obrak kōn illu.
- [18] Im likūt peir ɲa ioon ro ri jelōk, im likūt er ɲa ilowan prisōn.
- [19] A enjeļ in Irooj ilo boñ ej kapelļok aor ko ilo prisōn, im añinļok er, im ba,
- [20] Komwin ilok, im jutak im kōnono ilowan tempel ñan armej raᅇ, naan otemjej an Mour in.
- [21] Im ke rej roñ, rej deļoñ ilowan tempel ke ejibboñ im katakin. A pris eo eļap ej itok, im ro rej pād ippān, im kokweiloktok ro ri pepe, im elder ro nejin Israel, im jilkinļok ñan prisōn in añintok er.
- [22] A ke ri kabōjrak rej itok, re jab lo er ilowan prisōn, im re jepļaa, im kōnnaanōk,
- [23] Im ba, Eᅇool kōm ar lo prisōn eo ekilok im pen, im ri lale prisōn rej jutak iturin aor ko: a ke kōm ar kapelļok kōmij lo ejjeļok armej ilowan.
- [24] Im ke irooj in tempel im pris ro reļap rej roñ men kein, re pere enaaj kōjkan men in.
- [25] Innām juon ej itok im kōnnaanōk er, im ba, Lo, armej raᅇ kom ar likūt er ilowan prisōn, rej jutak ilo tempel, im katakin armej ro.
- [26] Innām irooj kab ri kabōjrak rej ilok, im añintok er im jab kaᅇakūt er; bwe rej mijak armej, ñe re ab kade er.
- [27] Im ke eᅇōj aer añintok er, rej kajutak er iᅇaan mejan ro ri pepe; im pris eo eļap ej kajjitok ippaer,
- [28] Im ba, Kōm ar kanooj jiroñ kom bwe komwin jab katakin ilo āt in, im lo, kom ar kobra, Jerusalem kōn ami katak, im kōᅇaan bōktok daan armej in iom.
- [29] Innām Piter im ro jet ri jelok rej uwaak im ba, Eᅇman jān pokake Anij eļap jān armej.
- [30] Anij an ro jimᅇad Ear kejerkakpeje Jijej, eo kom ar ᅇane im totoik e ilo wōjke.
- [31] Anij ear koutiej E kōn anbwijmaroñan bwe en Irooj im Ri Lomᅇor, bwe En leļok ukeļok ñan Israel, im julok jerᅇwiwi ko.
- [32] Im kōm ri kōnnaan kōn men kein; im barāinwōt Jetōb Kwōjarjar, eo Anij ear leļok ñan ro rej pokake E.
- [33] Ke rej roñ men kein, bukwe būueir, im re kōᅇaan ᅇan er.
- [34] A juon e jutak ilo jar eo, e Parisi etan Gameliel, ri kaki in kien, eo armej otemjej rej nōbar e, im ej jiroñ bwe ren likūt ro rū jelok i nabōj jidik iien.
- [35] Im e ba ñan er, Kom armej in Israel, komwin kōjparok kom kōn men eo komij iten kōᅇman e ñan armej rein.
- [36] Bwe ᅇokta jān raan kein, Todas ear jutak, im make ba e juon; jet armej, e nañin ābukwi, rej make koba ɲa ippān; ear jako, im er otemjej ro raar ļoore raar jeplōklōk, im jako.

- [37] Ālikin armej in, Judas ri Galili, e jutak ilo raan ko, raan in jeje āt ko, im ej kañōl jet armej ilōkōn: barāinwōt ear jako; im er otemjej ro raar pokake, re jeplōklōk.
- [38] Im kiiō ij ba ñan kom, Komwin ilōk jān armej rein, im ren pād wōt: bwe eļañne pepe in, ak jermal in jān armej rañ, enaaj jako.
- [39] A eļañne e jān Anij, kom jab maroñ in kōkkure; ñe re ab lo kom tariṇaeik Anij.
- [40] Im rej ļōmṇak āinwōt e: im ke eṇōj aer kūrtoke ro ri jelōk, im deñļok er, rej jiroñ bwe ren jab kōnono ilo etan Jijej, im rej kōtļok er.
- [41] Im rej ilōk jān imaan mejan ro ri pepe, im lañlōñ bwe eṇōj likūt er im tōllōkōn kōn aer eñtaan kōn Āt eo.
- [42] Im raan otemjej ilowan tempel, im ilo jikier e jab ṁōj aer katakin im kwaļok Jijej bwe E ri Kūraij.

JEPTA 6

- [Jr 6.1] Im ilo raan ko, ke orļok ro ri kaļoor, ro ri Grik rej lotaan ri Hibru, bwe re jab lale kōrā ro aer ejako pāleir, ke rej ajej ilo raan otemjej.
- [2] Innām joñoul im ruo rej kūrtoke jaran ri kaļoor ñan er, im ba, E jab eṇṁan bwe kōmin likūt naan in Anij, im jerbale tebōļ ko.
- [3] Innām kom jeim im jatim, komwin kapukōt jiljilimjuon armej, e alikkar aer eṇṁan, im re obrak kōn Jetōb Kwōjarjar im mālōtlōt, ro kōm naaj likūt er ioon jermal in.
- [4] A kōm naaj make niknik ien otemjej ilo jar, im ilo kwaļok naan.
- [5] Im naan in ej kabuñbūruen jar eo otemjej: im rej kālōt Stipen, juon armej e obrak kōn tōmak im Jetōb Kwōjarjar, im Pilip, im Prokorōs, im Nikenor, im Taimon, im Parminas, im Nikolas eo e proselait jān Antiok.
- [6] Rej likūt er imaan ro rū jelōk: im ke eṇōj aer jar rej likūt peir ṇa ioer.
- [7] Im naan in Anij eļapļok; im oran ri kaļoor eļap an orļok i Jerusalem; im eļap jaran pris ro rej pokake tōmak eo.
- [8] Im Stipen, eobrak kōn jouj im kajoor, ej kōṁanṁan men in bwilōñ ko reļap im kakōļle ko ippān armej raan.
- [9] A jet iaan imōn kweilok an ro ri Libertin, im ri Sairine, im ri Alexandria, im jet iaan ro jān Sailisia im Esia, rej jutak im akwāāle Stipen.
- [10] □Im re ban juṁae mālōtlōt im Jetōb eo ej kōnono kake.
- [11] Innām rej kariab armej ro rej ba, Kōm ar roñ an kōnono naan ko naan in blaspim juṁae Moses im juṁae Anij.
- [12] Im rej poktaki armej im elder ro, im skraib ro, im rej kālōk ioon im jibwe, im āñintok e ñan ro ri pepe,
- [13] Im rej kajutak ro ri kōnnaan riab, rej ba, Armej in e jab ṁōj an kōnono naan ko renana juṁae jikin kwōjarjar in im kien:
- [14] Bwe kōm ar roñ an ba, bwe Jijej in ri Nazeret enaaj kōkkure jikin in, im enaaj ukōt ṁanit ko Moses ear letok ñan kōj.
- [15] Im er otemjej rej jijet ijo, ri pepe, rej kallimjeke, im lo turin mejan, āinwōt turin mejan enjel.

JEPTA 7

[Jr 7.1] Im pris eo eļap e ba, Āindein men kein ke?

- [2] Im e ba, Kom jeiō im jatiō, im ro jema, koṃwin karoņjake: Anij e aiboojoj ear weaaktok ñan jimṃad Ebream, ke ear pād i Mesopotemia, moṃta jān an jokwe i Heran,
- [3] Im ba ñan e, Kwōn ilok jān āneo āniom im jān ro nukwum, im ilok ñan āneo I naaj bakajjien ñan eok.
- [4] Innām ej itok jān āneo an ri Kaldia, im jokwe i Heran: im jān ijo, ke e mej jemen, Ej āñintok e ñan ānin, ijin komij jokwe kiiō.
- [5] Im E jab leļok moṃttan ānin ñan e, jab dettan jenkwān neen; im Ej kallimur bwe En leļok ānin ñan e bwe en ānen ineen ālikin, iien eo ke ejjeļok nejin.
- [6] Im Anij ear kōnono āindein, bwe ineen enaaj pād i ānen ruwa; im renaaj kamakokoik er, im kaeñtaan er iomwin eabukwi iiō.
- [7] Im Anij e ba, I naaj ekajet ri aelōñ eo renaaj kamakokoik er: im tokālik renaaj itok, im jermal ñan Eō ilo ānin.
- [8] Im Ear leļok ñan e bujen in mwijmwij: im āindein an Ebream keotak Aisak, im mwijit e ilo raan kein ka ruwalitōk; im Aisak ear keotak Jekōb; im Jekōb ear keotak joñoul im ruo petriark.
- [9] Im ro jimṃad, kōn aer bane, raar wiakake Josep ñan Ijpt; a Anij ej pād ippān,
- [10] □Im lomṃoren e jān eñtaan otemjej an, im leļok ñan e jouj im mālōtlōt imaan mejan Pero, kiñ in Ijpt; im ej likūte bwe en irooj ioon Ijpt, im ioon aolepen mwe imōn.
- [11] A ñūta ej itok ioon aolepen Ijpt im Kenan, im eļap eñtaan: im ro jimṃad ejjeļok kijeir.
- [12] A ke Jekōb ej roñ bwe ewor korn i Ijpt, ej jilkinļok ro jimṃad moṃta.
- [13] Im ilo iien kein kar ruo, ar kwaļok Josep ñan ro jein im jaten; im kwaļok nukwin Josep ñan Pero.
- [14] Im Josep ej jilkinļok, im pukot tok Jekōb jemen, im nukwin otemjej, jiljilimjuonñoul im ļalem armej.
- [15] Im Jekōb ear wanlaļok ñan Ijpt, im emej, e kab ro jimṃad,
- [16] Im ar bōkļok er ñan Sikem, im likūt er ilowan lōb eo Ebream ear wiaik e kōn oñān silver jān lōmaro ro nejin Hemor ilo Sikem.
- [17] A ke epaak iien kallimur eo Anij ear leļok ñan Ebream, armej rej eddek im orļok ņa i Ijpt,
- [18] Ñan iien eo bar juon kiñ ej waļok, eo ejaje Josep.
- [19] E iñ ej kōmman moṃ ñan nukwed, im kaeñtaan ro jimṃad, bwe ren joļok niñniñ ro nejir, bwe ren jab mour.
- [20] Ilo iien eo Moses ear ļotak, im e kanooj wūlio, im ar kaninnin e iumwin jilu allōñ ilowan imōn jemen.
- [21] Im ke raar joļok e, kōrā nejin Pero ej bōk e, im kōkkaajiriri e bwe en nejin.

- [22] Im Moses ear katak ilo mālōtlōt otemjej an ri Ijpt, im e kajoor ilo naan im ilo jermal ko.
- [23] Im ke e nañin rūttoun eñoul iiō, ej ļōmņak ilo būruen bwe en ilen lale ro jein im jaten, ro nejin Israel.
- [24] Im ke ej lo juon iaer e eñtaan im ejjeļok ruōn, ej jipañ e, im e kwi kake eo ej eñtaan, im man ri Ijpt.
- [25] Bwe ej ļōmņak ro jein im jaten re jeļā kōjkan Anij ej kōtļok er kōn pein; a re jab jeļā.
- [26] Im raan eo ilju ej make kwaļok e ñan er ke rej ire, im ej kōņaan kaaenōmman er, im ba, Armej, kom jemjein jemjatin; etke komij kōmman nana ñan doon?
- [27] A eo ej kōmman nana ñan ri turin, ej jipeļļok e, im ba, Wōn e ar kairooj eok im likūt eok irooj in ekajet iom?
- [28] Kwō kōņaan man eō, āinwōt kwaar man ri Ijpt inne ke?
- [29] Im Moses ej ko kōn naan in, im e ruwamāejet i āne Midian, ijo ear keotak ruo nejin man.
- [30] Im ke ejejjet eñoul iiō, juon enjeļ ear weaaktok ñan e ilo āne jemaden an toļ Sainai ilo urur in kijeek ilo juļ.
- [31] Im ke Moses ej lo e, e bwilōñ kake: im ke ej kepaake bwe en alwōj, ainikien Irooj ej itok,
- [32] Ña Anij an ro jimman, Anij an Ebrean, im Anij an Aisak, im Anij an Jekōb. Innām Moses e wūdiddid, im e jab peran im kallimjeke.
- [33] Innām Irooj e ba ñan e, Kwōn utūk am juuj jān niom, bwe ijene kwōj jutak ie e kwōjarjar.
- [34] Emool I ar lo eñtaan an ro doō ro rej pād i Ijpt, im I ar roñ aer ñijļok, im emōj Aō wanlaļtak bwe In kōtļok er. Im kiiō kwōn itok, I naaj jilkinļok eok ñan Ijpt.
- [35] Moses in eo raar joļoke im ba, Wōn ear kairooj eok im likūt eok irooj in ekajet? E in Anij ear jilkinļok bwe en irooj im ri lomoor, kōn pein enjeļ eo ear weaaktok ñan e ilo juļ.
- [36] Lein ej āñintok er ke emōj an kōmanman men in bwilōñ ko im kakōļle ko i āne Ijpt, im ilo lomalo Ekilmir, im ilo āne jemaden iumwin eñoul iiō.
- [37] Moses in, eo ear ba ñan ro nejin Israel, Juon Ri Kanaan āinwōt ña, Anij enaaj kwaļok ñan kom jān ro jeimi im jātimi.
- [38] Le in eo ej pād ilo eklejia ilo āne jemaden ippān enjeļ eo ej kōnono ñan e ilo toļ Sainai, im ippān ro jimmad: ej bōk naan in mour ko bwe en letok ñan kōj.
- [39] Ñan ewor o jimmad re jab kōņaan kipiliie, a rej joļok e jān er, im ilo būrueir rej bar jepļak ñan Ijpt,
- [40] Im ba ñan Arōn, Kwōn kōmanman anij ko ñan kōm bwe ren ilok imaamļok: bwe Moses in eo ej āñintok kōm jān āne Ijpt, kōm jaje ijo ej pād ie.
- [41] Im rej kōmman koon in kau ilo raan ko, im bōktok men in joortak ñan ekjab eo, im lañlōñ ilo jermal ko an peir wōt.

- [42] A Anij ej oktak im ketak er bwe ren jermal ñan men ko ror i lañ; ãinwõt emõj jeje ilo bõk an ri kanaan ro, O kom ro nukwin Israel, kom ar katok kõn kidu ko remej im men in joortak ko ñan Eõ iumwin eñoul iio ilo ãne jemaden ke?
- [43] Im kom ar kotake imõn kõppãd an Molok, im iju an anij Ripan, ekjab ko kom ar kõmman bwe komwin kabuñ ñan er: im Inaaj ãñinlok kom etolok jãn Babulon.
- [44] Imõn kõnnaan ilo ãne jemaden ear pãd ippãn ro jimmad, ãinwõt E ar liküte, Eo ej kõnono ñan Moses, bwe en kalõk e ãinwõt kein kajjioñ eo ear loe.
- [45] Men eo ro jimmad ãlikir rej bõk im bõktok ippãn Josua ke rej deļõñ ilowan ãne ko an ri aelõñ ko, ro Anij ear ubaakeļok er imaan mejan ro jimmad, ñan raan ko raan in Devid;
- [46] Eo ej lo jouj imaan mejan Anij, im kajjitõk bwe en lo juon mweo imõn Anij an Jekõb.
- [47] A Solomõn ear kalõk im ñan E.
- [48] A Eo eutiejtata E jab jokwe ilowan mo ko pã ko rej kalõk; ãinwõt ri kanaan ej ba,
- [49] Lañ Aõ turoon, im laļ eran neiõ. Ie wãween im kom naaj kalõk ñan Eõ? Irooj ej ba; ak ewi jikin Aõ kakkije?
- [50] Peiõ ear jab kõmanman men kein otemjej ke?
- [51] Komeo ekijñeñe kõnwami im jab mwijiti bũruemi im lojilñõmi, iien otemjej komij jumae Jetõb Kwõjarjar; ãinwõt jememi raar kõmman, ãindein kom.
- [52] Wõn iaan ro ri kanaan ro jememi raar jab matõrtõre? im raar man ro raar kwaļok mokta kõn an itok Eo ewãnõk; Eo komij ri ketak E im ri urõt E:
- [53] Komeo kom ar bõk kien eo ãinwõt enjeļ raar liküt e, im kom ar jab kõjparok e.
- [54] Ke rej roñ men kein, bukwe bũrueir, im rej kijdeken ñiir ñan e.
- [55] A Ej obrak kõn Jetõb Kwõjarjar, im ej kallimjeke lañ, im lo aiboojoj an Anij, im Jijej ej jutak i anbwijmaroñan Anij,
- [56] Im e ba, Lo, ij lo lañ epeļlok, im Nejin armej ej jutak i anbwijmaroñan Anij.
- [57] A rej lamõj im eļap ainikier, im rej pinej lojilñier, im jimor kãļok ioon,
- [58] Im joļok e jãn jikin kwelok, im kade: im ro ri kõnnaan rej liküt nuknuk ko aer na i neen juon likao, etan Saul.
- [59] Im rej kade Stipen, ke ej jar, im ba, O Irooj Jijej, kwõn bõk aõ.
- [60] Im ej bukweļõlõ, im lamõj im eļap ainikien, O Irooj kwõn jab narueir ilo jerowwiwi in. Im ke emõj an ba naan in, ej kiki.

JEPTA 8

- [Jr 8.1] Im Saul ej bõk ñan bũrueir kõn an mej. Im ilo iien eo ej waļok eļap matõrtõr ñan eklejia eo i Jerusalem; im er otemjej rej jeplõklõk ilo ãne ko i Judia im Sameria, ro ri jelõk wõt rej pãd.
- [2] Armej emman mwilir rej kalbwin Stipen, im eļap aer liaajloļ kõn e.
- [3] A Saul ej kõkkure eklejia, ej deļõñ ilowan im otemjej, im ej kekaake man im kõrã im liküt er na ilowan prisõn.
- [4] Innãm ro raar jeplõklõk, rej etetal im kwaļok naan.
- [5] Im Pilip ej wanlaļlok ñan jikin kwelok eo Sameria, im kwaļok naan ñan er.

- [6] Im jar ko rej jimor eɣroñ men ko Pilip ej kōnono kaki, ke rej roñjake im lo kakōlle ko ej kōmanman.
- [7] Bwe jetōb ottoon, ke rej lamōj im eļap ainikieir, rej jutakļok jān elōñ ro re kar moķ na ānbwinneir: im ar kemour elōñ ro re akā, im kūrro ro.
- [8] Im eļap lañlōñ ilo jikin kwelok eo.
- [9] A juon emman, etan Saimōn, eo moķta ilo jikin kwelok eo, ej madmōd, im kabwilōñ ro ri Sameria, im make ba e juon Eļap.
- [10] □Eo er otemjej jān diktata ñan ļaptata rej eɣroñ e, im ba, Lein kajoor eo an Anij im naetan Eļap.
- [11] Im rej eɣroñ e, bwe eto an kabwilōñ er kōn madmōd ko an.
- [12] A iien eo rej tōmak Pilip ke ej kwaļok naan emman kōn aelōñ in Anij, im etan Jijej Kūraj, rej peptaij, maan im kōrā.
- [13] Innām barāinwōt Saimōn ej tōmak: im ke ej peptaij, ej moķ Pilip, im bwilōñ ke ej lo kakōlle ko im kajoor ko reļap ej kōmanman.
- [14] Im ke ro ri jelok rej pād i Jerusalem rej roñ bwe Sameria ear bōk naan in Anij, rej jilkinļok Piter im Jon ñan er.
- [15] Ke rejro wanlaļok, rej jar kōn er, bwe ren bōk Jetōb Kwōjarjar:
- [16] Bwe E jañin buñ ioer; rej peptaij wōt ilo etan Irooj Jijej.
- [17] Innām rejro likūt peir ioer, im rej bōk Jetōb Kwōjarjar.
- [18] Im ke Saimōn ej lo bwe kōn an ri jelok likūt peir, ar leļok Jetōb Kwōjarjar, ej kōnaan leļok mAn ñan er,
- [19] Im ba, Barāinwōt komwin letok kajoor in ñan eō, bwe jabdewōt eo ij likūt peiō ioon en bōk Jetōb Kwōjarjar.
- [20] A Piter e ba ñan e, En jako am silver im kwe, bwe kwaar ļomņak in wiaik men in aorok an Anij letok, kōn mAn.
- [21] Ejjeļok am moťtan ak jolot ilo naan in; bwe būruōm ejab jimwe imaan mejan Anij.
- [22] Innām kwōn ukeļok ippam kōn nana in am, im akweļap ñan Anij eļañne bōlen En joļok ļomņak in būruōm.
- [23] Bwe ij lo kwōj pād ilo āt emeo, im ilo korak enana.
- [24] Im Saimōn e uwaak, im ba, Komwin jar ñan Irooj kōn eō bwe ejjeļok ian men kein komij kōnono kaki en itok ioō.
- [25] Im ke emōj airro kōnnaan im kwaļok naan in Irooj, rej jepļak ñan Jerusalem, im kwaļok naan emman ilo elōñ jikin kwelok redik an ri Sameria.
- [26] Im enjeļ in Irooj ej kōnono ñan Pilip, im ba, Kwōn jutak im ilok ñan rōk, ñan ial eo ej wanlaļ jān Jerusalem ñan Beza, eo āne jemaden.
- [27] Im ej jutak im ilok: im lo, juon armej in Itiopia, e eunok im eutieļ ippān Kandase, lerooj in Itiopia, eo ej lale mweiiem otemjej, im e kar itok ñan Jerusalem bwe en kabuñ,
- [28] Ej jepļak, im jijet ilowan jariot eo an im kōnono ilo bok in ri kaanan Aiseia.
- [29] Im Jetōb ej ba ñan Pilip, Kwōn kepaak im pād ippān jariot en.

- [30] Im Pilip ej tōr ñan e, im roñjake an kōnono ilo ri kaanan Aiseia, im ej ba, Kwōj mejeje ke men eo kwōj kōnono kake?
- [31] Im e ba, Ekōjkan aō maroñ, eļaññe ejjeļok en ej tōl eō? Im ej akweļap ñan Pilip bwe en uwe im jjet ippān.
- [32] Mōttan jeje eo ilo Baibō] ej kōnono kake, eñin. Ar tōllok E āinwōt jiiip ñan mej; im āinwōt koon in jiiip iṃaan ri ṃwijbar ej ikōñ, āindein E jab waļañi loñin:
- [33] Ilo An ettā ar joļok An ekajet: im wōn enaaj kwaļok An epepen? bwe ar joļok An mour jān laļ.
- [34] Im eunōk ej uwaak Pilip im ba, Ij kajjitōk ippam, kōn wōn an ri kaanan kōnono men iñ? kōn e make ak kōn bar juon armej ke?
- [35] Innām Pilip ej waļañi loñin, im jino jān jeje iñ, im kwaļok Jijej ñan e.
- [36] Im ke rej ilok ilo ial eo ļok, rej itok ñan juon dān: im eunōk e ba, Lo dān e; ta ej bōbrae eō bwe in jab peptaij?
- [37] **
- [38] Im e jiroñ bwe jariōt en bōjrak. Im rejro wanlaļ ñan lowaan dān, Pilip im eunōk eo; im ej peptaij.
- [39] Im ke rejro ato jān dān, Jetōb ōn Irooj ej bōkļok Pilip, im eunōk eo ejāmin bar lo e; im ej lañlōñ im ilok ilo ial eo an.
- [40] Im ar lo Pilip i Azotōs: ke ej deļok ej kwaļok Gospel ilo jikin kwelok otemjej, ñan iien ej itok ñan Seseria.

JEPTA 9

- [Jr 9.1] A Saul, ke ej buñañōn kalōļñōñ im uror ñan ro ri kaļooran Irooj, ej ilok ñan pris eo eļap,
- [2] Im kajjitōk letter ko ñan iṃōn kweilok ko i Damaskōs, bwe eļaññe ej lo jabdewōt ro aer ial iñ, ṃṃaan ak kōrā, en liāpe er im bōktok er ñan Jerusalem.
- [3] Im ke ej ilok ie ļok, ej kepaak Damaskōs: im eṃōkaj an juon meram jān lañ romaak iturin.
- [4] Im ej buñ ioon bwidej, im roñ juon ainikien ej ba ñan e, Saul, Saul, etke kwōj matōrtōr Eō?
- [5] Im e ba, Irooj wōn Kwe? Im Irooj e ba, Ña Jijej, eo kwōj matōrtōre:
- [6] A kwōn jerkak im deļoñļok ilo jikin kwelok en, im naaj kōnnaanōk eok men eo kwōn kōṃṃane.
- [7] Im armej ro rej ilok ippemļok rej jutak im ikōñ; rej roñ ainikien, a rejab lo armej.
- [8] Im Saul ej jerkak jān bwidej; im ke epeļlok mejan, e jab lo jabdewōt; im rej tōl e kōn pein, im āñinļok e ñan Damaskōs.
- [9] Im ej pād iumwin jilu raan im jab loļokjeñ, im ej jab ṃōñā ak idaak.
- [10] □Im juon ri kaļoor ej pād i Damaskōs, etan Anenaiōs; im Irooj e ba ñan e ilo visiōn, Anenaiōs. Im e ba, Lo, Irooj, ña e.
- [11] Im Irooj e ba ñan e, Kwōn jutak, im ilok ilo ial eo etan Jimwe, im kajjitōk ilowan iṃōn Judas kōn juon en etan Saul, ri Tarsōs, bwe lo ej jar,

- [12] Im ear lo ilo visiōn juon armej etan Anenaiōs ej deļoņ, im likūt pein ioon, bwe en loļokjeņ.
- [13] A Anenaiōs e uwaak, Irooj, I ar roņ jān elōņ kōn armej iņ, ie ļap en nana ear kōmmane ñan ro Aṃ reṃman i Jerusalem.
- [14] Im ijin ewor naan ippān jān pris ro reļap bwe en liāpe er otemjej rej jar ilo Etaṃ.
- [15] A Irooj e ba ñan e, Kwōn ilok: bwe e juon Aō jāpe eo Ij kāālōt e, bwe en bōkļok eta iṃaan mejan ri aelōņ ko, im kiņ ro, im ro nejin Israel:
- [16] Bwe I naaj kwaļok ñan e men ko relōņ enaaj eņtaan kaki kōn eta.
- [17] Im Anenaiōs ej ilok, im deļoņ ilowan ṃweo; im ej likūt pein ioon im ba, Jatiō Saul, Irooj, Jijej eo Ear weaaktok ñan eok ilo ial eo ke kwaar itok, Ej jilkinwōj eō, bwe kwōn bar loļokjeņ, im obrak kōn Jetōb Kwōjarjar.
- [18] Im kiiōkiiō re buņ jān mejan āinwōt kilin ek, im ej loļokjeņ; im ej jutak im peptaij.
- [19] Im ke eṃōj an ṃōñā, ej kajoorļok. Im iuṃwin jet raan ej pād ippān ro ri kaļoor rej pād i Damaskōs.
- [20] Im eṃōkaj an kwaļok Jijej ilowan iṃōn kweilok ko, bwe E Nejin Anij.
- [21] A er otemjej rej roņjake re bwilōņ, im re ba, E iņ e jab eo ear kōkkure ro raar jar ilo āt iņ i Jerusalem ke? im āindein an itok ñan āiņ bwe en liāpe im bōkļok er ñan pris ro reļap.
- [22] A Saul eļap an kajoorļok, im e kajoor an in naan ñan ri Ju ro rej jokwe i Damaskōs, im kaṃool bwe E iņ ri Kūraij.
- [23] Im ke elōņ raan remootļok, ri Ju ro rej pepe ippān doon bwe ren ṃan e.
- [24] A Saul e jeļā kajjien aer pepe. Im rej kōppao ilo kōjām ko raan im boņ bwe ren ṃan e.
- [25] A ri kaļoor rej āñintok e ilo boņ, im rej doorlaļok e ilikin wōrwōr ilo kilōk.
- [26] Im ke eṃōj an itok ñan Jerusalem, ej kajjioņ bwe en make koba ippān ro ri kaļoor: im er otemjej rej mijak e, im jab tōmak bwe e juon ri kaļoor.
- [27] A Barnebas ej bōk e, im āñintok e ñan ro ri jelōk, im bwebwenato ñan er kōjkan an lo Irooj ilo ial eo, im kōjkan e peran in kwaļok i Damaskōs ilo etan Jijej.
- [28] Im ej pād ippaer im itoitak i Jerusalem.
- [29] Im ej peran im kōnono ilo etan Irooj, im aitwerōke ro ri Grik: a rej kapukōt bwe ren ṃan e.
- [30] A ke jemjein jemjaten re jeļā, rej āñinlaļok e ñan Seseria, im jilkinļok e ñan Tarsōs.
- [31] Innām eklejia eo ilo aolepen Judia im Galili im Sameria ej aenōṃman, im eddekļok; im ej etetal ilo mijak Irooj im ilo aenōṃman jān Jetōb Kwōjarjar, im ej orļok.
- [32] Im ke Piter ej etal ilo āne ko otemjej, ej wanlaļ ñan ippān ro reṃman rej jokwe i Lidda.
- [33] Im ijo ej lo juon armej etan Inias, eo e kar babu ioon kinien iuṃwin ruwalitōk iiō, im e nañinmej kōn akā.

- [34] Im Piter ej ba ñan e, Inias, Jijej Kūrai ej kemour eok: kwōn jerkak im erak kiniōm. Im emōkaj an jerkak.
- [35] Im er otemjej rej jokwe i Lidda im Saron rej lo e, im rej oktak ñan Irooj.
- [36] A juon ri kaloor ej pād i Joppa etan Tabita, raar ukōt naan in im ñaetan Dorkas; kōrā in e obrak kōn jербal ko remman im mweien tūriamo ko ej kōmmAn.
- [37] Im ilo raan ko, e nañinmej im mej. Ke emōj aer katutu e, rej likūt e ña ilo po.
- [38] Bwe Lidda epaake Joppa, im ri kaloor raar roñ bwe Piter ej pād ijo, rej jilkinlok ruo armej ñan e, im akweļap ñan e bwe en jab ruṃwjtok ñan er.
- [39] Innām Piter ej jutak im ilok ippaerlok. Ke e moottok, rej āñinlōñlok e ñan po eo: im kōrā ro otemjej ejako pāleir rej jutak ippān im jañ, im kwaļok nuknuk ko im kopā ko Dorkas ear kōmmAn ke e kar pād ippaer.
- [40] A Piter ej kadiwōjlok er otemjej, im bukweļōlō, im jar; im ej oktak ñan ubōn im ba, Tabita, kwōn jerkak. Im epeļlok mejan; im ke ej lo Piter, ej jerkak.
- [41] Im ej leļok pein ñan e, im kajutak e; im ke emōj an kūrtoke ro remman, im kōrā ro ejako pāleir, ej kwaļok e im ājmour.
- [42] Im re jeļā ilo aolepen Joppa: im elōñ rej tōmak Irooj.
- [43] Im iumwin elōñ raan ej pād wōt ilo Joppa ippān juon Saimōn ri tanner.

JEPTA 10

- [Jr 10.1] Juon emmaan i Seseria etan Korniliōs, senturiōn an jar eo etan jar in Italia.
- [2] Emman mwilin, im e mijak Anij, kab ro nukwin otemjej, im ej leļok elōñ mweien tūriamo ñan armej ro, im jar ñan Anij iien otemjej.
- [3] Ej lo ilo visiōn alikkar, e nañin jilu awa ilo raan, juon enjeļ in Irooj ej deļōñ ñan ippān, im e ba ñan e, Korniliōs.
- [4] Im ke ej kallimjeke, ej lōñōñ, im ba, Ta eo Irooj? Im e ba ñan e, Jar ko am, im mweien tūriamo ko am rej wanlōñlok men in keememej imaan mejan Anij.
- [5] Im kiiō kwōn jilkinlok jet armej ñan Joppa, im pukottok juon Saimōn, āt eo juon Piter
- [6] Ej pād ippān juon Saimōn ri tanner, mweo imōn ej pād iturin lojet.
- [7] Im ke ej ilok enjeļ eo, ear kōnono ñan Korniliōs, ej kūrtoke ruo ri korijeran, im juon ri tariṃae emman mwilin eo iaan ro rej pād ippān iien otemjej;
- [8] Im ke emōj an kōnnaanōk er men kein otemjej, ej jilkinlok er ñan Joppa.
- [9] Ke ilju, ke rej ilok ilo ial eo aer lok, im kepaak ñan jikin kwelok eo, Piter ej wanlōñlok ioon mweo bwe en jar ilo joñoul im ruo awa;
- [10] Im eļap an kwōle, im e kōṃaan mōñā; a ke rej kapojak, ej buñ ilowan trans.
- [11] Im ej lo lañ epeļlok, im juon jāpe ej wanlaļtak, āñwōt juon koqj eļap, ar door e kōn emmaan jabōn ioon laļ:
- [12] Rej pād ilowan kidu ko emān ne im men ko retōbalbal i laļ im bao ko i mejatoto wāweir wāween otemjej.
- [13] Im juon ainikien ej itok ñan e, Piter, kwōn jerkak, mAn im mōñā.
- [14] A Piter e ba, Irooj, en jab āindein, bwe I ar jab mōñā men eo e mo im jab erreō.

- [15] Im ainikien ej bar kōnono ñan e kein ka ruo, Men eo Anij ear karreoik e, kwōn jab kōmman e e mo.
- [16] Men in ar kōmanmane alen jilu: im bar bōklōñlok jāpe eo ñan lañ.
- [17] Im ke Piter ej make pere ta meļeļein visiōn eo e ar loe, lo armej ro ar jilkinlok er jān Korniliōs, re kar kajjitōk ewi imōn Saimōn, im rej jutak iturin aor eo,
- [18] Im kūr, im kajjitōk eļañne Saimōn, āt eo juon Piter ej pād i mwiin ke?
- [19] Ke Piter ej ļomnak kōn visiōn eo, Jetōb e ba ñan e, Lo, jilu armej rej kapukōt eok.
- [20] A kwōn jerkak, im wanla, im ilok ippaer lok, im jab pere, bwe I ar jilkinwōj er.
- [21] Innām Piter ej wanla ñan armej ro, ar jilkinlok er ñan e jān Korniliōs; im ba, Lo, ña e eo komij pukot e, komij iten et?
- [22] Im re ba, Korniliōs senturiōn, armej emman mwilin, im e juon ej mijak Anij, im ri aelōñ in Ju ro otemjej re ba e emman; Anij e ar kauwe kōn enjeļ ekwōjarjar, bwe en jilkinwōj bwe kwōn itok ñan mweo imōn, bwe en roñ naan ko jān eok.
- [23] Innām ej kadeļoñ er, im lale er. Im ke ilju ej jutak im ilok ippaer lok, im jet jemjein jemjaten jān Joppa rej etal ippān.
- [24] Im raan eo tokālik rej deļoñ ilowan Seseria. Im Korniliōs ej kattar er, im e kar kūrtoke ro nukwin im ro jeran.
- [25] Im ke Piter ej deļoñ, Korniliōs ej wōnmae, im e buñ ña iturin neen, im kabuñ.
- [26] A Piter ej kajerkak e, im ba, Kwōn jutak; ña barāinwōt juon armej.
- [27] Im ke ej kōnono ippān, ej deļoñ, im lo elōñ ro raar kweiloklok.
- [28] Im ej ba ñan er, Kom jeļā e mo an ri Ju kōmmao ak itok ñan ippān ri bar juon aelōñ; a Anij e ar katakin eō bwe in jab likūt jabdewōt armej e mo ak jab erreo.
- [29] Kōn men in ij mōkaj tok, ke kwaar jilkintok bwe in iwōj. Innām ij kajjitōk, etke kom ar jilkintok ñan eō?
- [30] Im Korniliōs e ba, Ilo raan eo kein ka emān mokta I ar jitolok ñan awa in; im ke jilu awa I ar jar ilowan mwiin imō, im lo, juon armej e jutak imaan meja, emouj nuknuk ko an,
- [31] Im ba, Korniliōs, emōj roñjake jar eo am, im mweiiien tūriamo ko am re men in keememej imaan mejan Anij.
- [32] Innām kwōn jilōkinlok ñan Joppa, im kūrtoke Saimōn, āt eo juon Piter: ej pād ilowan imōn juon Saimōn ri tanner iturin lojet.
- [33] Innām emōkaj aō jilōkwōj ñan eok: im emman am kōmanman bwe kwaar itok. Innām kiiō kōm otemjej pād ijin imaan mejan Anij, bwe kōmin roñ men otemjej Anij e ar jiroñ eok kaki.
- [34] Innām Piter ej waļañi loñin, im ba, Emool, ij kile bwe Anij e jab ļomnak kōn okōtan armej:
- [35] A ilo aelōñ otemjej eo ej mijak E, im jerbale kwōjarjar, ej kabuñbūruen.
- [36] Naan eo Ear jilkinlok ñan ro nejin Israel, im kwaļok gospel eo kōn Jijej Kūraj: (E Irooj ioon otemjej:)
- [37] Komij jeļā naan eo ar kwaļok e i aolepen Judia, im jino jān Galili, ālikin peptaj eo Jon ear kwaļok e,

- [38] Ekōjkan an Anij kapit Jijej ri Nazeret kōn Jetōb Kwōjarjar im kōn kajoor; Eo ej etetal im kōmanman emman, im kemour ro otemjej tepil ear kebioup er; bwe Anij ippān.
- [39] Im kōm ri kōnnaan kōn men otemjej E ar kōmman ilo āne an ri Ju ro, im ilowan Jerusalem: Eo raar mane im totoike ilo wōjke:
- [40] Anij e ar kajerkakpeje E ilo raan eo kein ka jilu, im kwaļok E alikkar;
- [41] Jab nān armej otemjej, a nān ro ri kōnnaan Anij e ar kāālōt er mokta, aet, nān kōm, kōm ar mōñā im idaak ippān ālikin An jerkakpeje jān ro remej.
- [42] Im E ar jiroñ kōm bwe kōmin kwaļok nān armej ran, im kōnnaan bwe E in Eo Anij ear likūt E bwe En Ri Ekajet ro re mour im ro re mej.
- [43] Ro ri kanaan otemjej raar kōnnaan kōn E, bwe kōn etan jabdewōt eo ej lōke E, enaaj bōk juurļok jerowiwī ko an.
- [44] Ke Piter ej kōnono naan kein, Jetōb Kwōjarjar Ej buñ ioer otemjej rej roñjake naan.
- [45] Im ro ri mwijmwij ro rej tōmak re bwilōñ, er otemjej rej itok ippān Piter tok, bwe barāinwōt emōj lutōk men in aorōk an Jetōb Kwōjarjar ioon ri aelōñ ko.
- [46] Bwe rej roñ aer kōnono kōn lo ko, im wūjtake Anij. Im Piter ej uwaak,
- [47] Ewi armej ej maroñ in bōbrae dān, bwe rein ren peptaij, ro raar bōk Jetōb Kwōjarjar āinwōt kōm?
- [48] Im ej jiroñ bwe ren peptaij er ilo etan Irooj. Innām rej akweļap nān e bwe en pād wōt iumwin jet raan.

JEPTA 11

- [Jr 11.1] Im ro ri jelōk im jemjein jemjaten i Judia, rej roñ bwe ri aelōñ ko raar barāinwōt bōk naan in Anij.
- [2] Im ke emōj an Piter wanlōñļok nān Jerusalem, jet iaan ri mwijmwij rej akwāāl e,
- [3] Im ba, Kwaar deļoñ nān ippān armej ro re jab mwijmwij, im mōñā ippaer.
- [4] A Piter ej kwaļok men in, im kameļeļeik e jimwewōt nān er jān jinoin, im ba,
- [5] I ar pād i jikin kwelok Joppa im jar; im ilo trans I ar lo juon visiōn, juon jāpe ej wanlaļtok āinwōt juon koqj eļap, doorlaļ e jān lañ kōn emān jabōn; im ej itok nān eō:
- [6] Im ke I ar kallimjeke, ij kōlmānļokjeñ, im lo kidu ko in laļ emān ne, im kidu ko rawia, im men ko re tōbalbal, im bao ko i mejatoto.
- [7] Im I ar barāinwōt roñ ainikien e ba nān eō, Piter, kwōn jerkak; man im kañi.
- [8] A I ar ba, Irooj, en jab āindein: bwe ejjeļok men eo e mo ak jab erreō e ar deļoñ ilowan loñiō jabdewōt iien.
- [9] A ainikien ej bar uwaak eō jān lañ, Men eo Anij ear karreo, kwōn jab kōmmane e mo.
- [10] □Im men in ar kōmmane alen jilu: im er otemjej bar tōbwe nān lañ.
- [11] Im lo, emōkaj an jilu armej jutak iturin mweo I ar pād ie, ar jilōktok er jān Seseria nān eō.

- [12] Im Jetōb ej jiroñ eō bwe in ilok ippaer lok, im jab lōmṇak kōn ālikin armej. Im barāinwōt rein jiljino jeiō im jatiō raar etal ippa, im kōm ar deļoñ ilowan iṇōn armej eo.
- [13] Im e ar kwaļok ñan kōm kōjkan an lo juon enjeļ ilowan ṁweo iṇōn, eo e jutak im ba ñan e, Kwōn jilkinļok jet armej ñan Joppa, im kūrtoke Saimōn, āt eo juon Piter;
- [14] E naaj kōnnaanōk eok naan ko naaj lōmṇorōm im ro nukwuṁ otemjej kōn er.
- [15] Im ke I ar jino in kōnono, Jetōb Kwōjarjar ej buñ ioer, āinwōt ioed ilo jinoin.
- [16] Im I ar keememej naan in Irooj, ekōjkan An ba, Eṁool, Jon e ar peptaij kōn dān; a naaj peptaij kom kōn Jetōb Kwōjarjar.
- [17] Innām eļañne Anij e ar leļok ñan er men in aorōk eo āinwōt E ar letok ñan kōjeo, ke jaar lōke Irooj Jijej Kūrai, Wōn ña bwe in maroñ in juṁae Anij?
- [18] Ke rej roñ men kein rej ikōñ, im rej wūjtak Anij, im ba, Innām Ej barāinwōt leļok ñan ro ri aelōñ ko ukeļok bwe ren mour.
- [19] A ro raar jeplōklōk kōn matōrtōr eo e ar waļok kōn Stipen, raar ilok ñan Pinisia, im Saiprōs, im Antiok, rej kwaļok naan ñan ejeļok armej a ñan ri Ju ro wōt.
- [20] Im jet iaer ri Saiprōs im ri Sairine, ke rej itok ñan Antiok, rej barāinwōt kōnono ñan ro ri Grik, im kwaļok Irooj Jijej.
- [21] Im pein Irooj ej pād ippaer: im elōñ ro rej tōmak, rej oktak ñan Irooj.
- [22] Innām naan kōn er ej itok ñan lojilñin eklejia eo i Jerusalem; im rej jilkinļok Barnebas bwe en ilok ñan Antiok.
- [23] Ke e moottok, im lo an Anij jouj ej lañlōñ, im ej kauwe er otemjej, bwe en rim būrueir, im eddāp ñan Irooj.
- [24] Bwe e juon armej eṁṁan, im e obrak kōn Jetōb Kwōjarjar, im kōn tōmak: im elōñ armej rej koba ippān Irooj.
- [25] Im Barnebas ej ilok ñan Tarsōs, bwe en pukot Saul;
- [26] Im ke e ar lo e, ej āñintok e ñan Antiok. Im iumwin aolepen juon iiō rej jimor kweiloklok ippān ro ri eklejia im katakin elōñ armej. Im ro ri kaļoor, ar ṇaetaer ri Kūrjin ṁokta i Antiok.
- [27] Ilo raan kein jet ri kanaan rej itok jān Jerusalem ñan Antiok.
- [28] Im juon iaer, etan Agebōs, e jutak im kwaļok kōn Jetōb bwe enaaj ñūta eļap i āne otemjej i la; eñin e ar waļok ilo raan ko an Klaudiōs.
- [29] Im ro ri kaļoor otemjej rar pepe bwe āinwōt aer maroñ ren jilkinļok men in jipañ jemjein jemjaten rej jokwe i Judia.
- [30] Im raar kōmṁan men iṇ im jilkinļok e ñan elder ro kōn pein Barnebas im Saul.

JEPTA 12

[Jr 12.1] Im epaak iien eo Herod kiñ ej erļoke pein bwe en kaeñtaan jet iaan ri eklejia.

[2] Im ej ṁan Jemes jaten Jon kōn jāje.

[3] Im ke ej lo bwe men iṇ ej kalañlōñ ru Ju ro, ej barāinwōt jibwe Piter. Im raan ko raan in bred e jab leven.

- [4] Im ke emōj an jibwe, ej likūt e ilowan prisōn, im ketak e ñan joñoul im jiljino ri tariṇae bwe ren baar e; ej pepe ñe e jemļok kwōjkwōj in kijoone, enaaj ãñintok e ñan armej raṇ.
- [5] Innām rej baar Piter ilowan prisōn; a eļap an eklejia jar ñan Anij kōn e.
- [6] Im ke Herod e kōṇaan ãñintok e, boñin iṇ Piter ej kiki eoļōpen ruo ri tariṇae, ej elloḱ kōn ruo tomede: im ri lale prisōn iturin aor eo rej baar prisōn.
- [7] Im lo, enjeļ in Irooj ej weaaktok, im meram ej romaak ilowan prisōn eo, im ej ubrare katin Piter im kōruj e, im ba, Kwōn jerkak kiiōkiiō. Im tomede ko rej wōtļok jān pein.
- [8] Im enjeļ ej ba ñan e, Kwōn kañūrñūr, im lukwōj aṇ sandal; im ej kōmṇan āinwōt. Im ej ba ñan e, Kwōn kopāpā kōn aṇ kopā, im ļoor eō.
- [9] Im ej diwōjļok im ļoore; im e jaje ṇool ke jab ke an enjeļ kōmṇan; a ej ļōmṇak ej lo juon visiōn.
- [10] □Ke rejro kijoone ri baar ṇokta, im ri baar kein ka ruo, rej itok ñan aor māāl iṇmaan ial ñan jikin kwelok; eo e make peļļok ñan er: im rejro diwōjļok, im deblok juon ial; im emōkaj an enjeļ ilok jān e.
- [11] Im ke Piter e jeļāļokjeṇ, e ba, Kiiō I jeļā emool Irooj ear jilkintok an enjeļ, im kōtļok eō jān pein Herod, im jān katmāne otemjeļ an ri Ju ro.
- [12] Im ke emōj an kōlmānļokjeṇ kōn men eo, ej itok ñan ṇweo iṇōn Meri jinen Jon āt eo juon Mark; ijo elōñ rej kwelok ie im jar.
- [13] Im ke Piter ej kaļļaļaļ ilo aor eo edik, juon jiroñ ej iten uwaak, etan Roda.
- [14] Im ke ej kile ainikien Piter, e jab kapelļok aor kōn an lañlōñ, a ettōr ilowan, im kōnnaanōk ekōjkan an Piter jutak ilikin aor.
- [15] Im re ba ña ne, Kwō wūdeakeak. A epen an ba emool otem ṇool. Innām re ba, Enjeļ eo an.
- [16] A Piter ej kaļļaļaļ wōt: im ke emōj aer kapelļok, im lo e, re bwilōñ.
- [17] A ke emōj an bōbrae er kōn pein bwe ren ikōñ, ej kōnnaanōk er kōjkan an Irooj ãñintok e jān prisōn. Im e ba, Koṇwin ilem kōnnaanōk men kein ñan Jemes, im ñan jemjein jemjaten. Im ej ilok im etal ñan bar juon jikin.
- [18] Im ke e raantak, eļap jānene ippān ri tariṇae kōn an Piter pād ia.
- [19] Im ke emōj an Herod kapukōt e, im jab lo e, ej ekajet ri baar ro, im jiroñ bwe ren ṇan er. Im ej wanlaļok jān Judia ñan Seseria, im jokwe ijo.
- [20] Im eļap an illu ñan ro ri Tair im Saidon: im ke emōj aer jeraik ri lale po an kiñ eo, rej jīmōr itok ñan ippān, im kajjitōk ippān kōn aenōmṇan; bwe āneo an kiñ ej naajdik āneo āneir.
- [21] Im ilo juon raar e kar kāālōt e, Herod ej kōṇak nuknuk an kiñ wōt, im jijet ioon tūroon eo, im kwaļok kōnono eļap ñan er.
- [22] Im armej rej laṇōj, im ba, Ainikien anij, im e jab an armej.
- [23] Im emōkaj an enjeļ in Irooj ṇan e, bwe e ar jab wūjtake Anij: im likaakrak rej kañe, im e mej.
- [24] A naan in Anij ej eddekļok im orļok.

[25] Im Barnebas im Saul rejro jep̄laak j̄an Jerusalem, ke em̄oj aer kamool jermal eo aer, im rej añintok ip̄paer Jon, at eo juon Mark.

JEPTA 13

- [Jr 13.1] A ilo eklejia i Antiok jet ri kanaan im ri kaki; etaer Barnebas, im Simeon eo etan Naijer, im Lusiōs ri Sairine, im Meneen eo jein im jaten Herod titrak, im Saul.
- [2] Ke rej jermal n̄an Irooj im jitlok, Jetōb Kwōjarjar ej ba, Komwin kamakeļok iaer Barnebas im Saul n̄an Eō kōn jermal eo I ar kurtok er n̄an e.
- [3] Im ke em̄oj aer jitlok im jar, im likūt peir ioer, rej jilkinļok er.
- [4] Innām bwe Jetōb Kwōjarjar ej jilkinļok er, rejro wanlaļok n̄an Silisia; im j̄an ijo rej jerak n̄an Saiprōs.
- [5] Im ke rejro pād i Salemis, rej kwaļok naan in Anij ilowan im̄on kweilok ko an ri Ju ro: im barāinwōt Jon ej ri jermal n̄an er.
- [6] Im ke em̄oj aer deblok aolepen aelōn eo n̄an Pepos, rej lo juon ri madmōd, ri kanaan riab, ri Ju, etan Barjisōs.
- [7] E ar pād ippān prokonsōl, etan Serjiōs Paulōs, e ri jeļāļokjeņ; ej kurtok Barnebas im Saul n̄an ippān, im kōnaan roñ naan in Anij.
- [8] A Elimas ri madmōd, (bwe eñin ukōtōn etan) ej juṃae er, im kōnaan kajeor prokonsōl j̄an tōmak.
- [9] Innām Saul, barāinwōt ṃaetan Paul, eobrak kōn Jetōb Kwōjarjar, ej kallimjeke,
- [10] □Im ba, O kwō obrak kōn moņ otemjej im nana otemjej, nejin tepil, ri kōjdate men otemjej remman, kwō jāmin kamōjlok aṃ kankeke ial ko rejimwe an Anij ke?
- [11] Im kiiō, lo pein Irooj ioṃ, im kwō naaj pilo, im jāmin lo aļ n̄an juon iien. Im em̄okaj tab im marok rej buñ ioon; im ej etetal, im kapukōt jabdewōt ri tōl e kōn pein.
- [12] Innām prokonsōl eo, ke ej lo men eo kōmanṃane, ej tōmak, im e bwilōn kōn katak an Irooj.
- [13] A Paul im ro ippān rej jerak j̄an Pepos im itok n̄an Perga i Pampilia: im Jon ej ilok j̄an er im jep̄laakļok n̄an Jerusalem.
- [14] Im ke em̄oj aer deblok Perga, rej tok n̄an Antiok i Pisidia, im ej deļoñ ilowan im̄on kweilok ilo raan Jabōt, im jijet.
- [15] Im ālikin kōnono ilo kien im ri kanaan ro, irooj ro an im̄on kweilok rej jilkinļok n̄an er, im ba, Komeo, jeim im jatim, eļaññe jabdewōt naan in kauwe armej raņ ippemi, komwin kwaļok mōk.
- [16] Im Paul ej jutak im bōbrae kōn pein, im ba, Armej in Israel, im komeo komij mijak Anij, karoñjake.
- [17] Anij an armej in Israel E ar kāālōt ro jimmad, im koutiej armej ro ke raar jokwe āinwōt ro ruwa i āne Ijpt, im kōn pein eutiej E ar añintok er j̄an e.
- [18] Im iuṃwin enañin eñoul iiō E ar kōkkaajiriri er ilo āne jemaden.

- [19] Im ke emōj an kōkkure jiljilimjuon aelōñ ilo āne Kenan, Ej leļok āne eo aer ñan er aer jolōt, iumwin enañin ābukwi im lemñoul iiō:
- [20] Im ālikin men kein E ar leļok ñan er ro irooj in ekajet ñan iien eo an Samuel, ri kanaan.
- [21] Im tokālik rej kajjitōk juon kiñ; im Anij ear leļok ñan er Saul nejin Kis, juon armej jān bwijin Benjamin, iumwin eñoul iiō.
- [22] Im ke emōj an joļok e, E ar koutiej Devid bwe en aer kiñ; im Ej kwaļok naan in kōnnaan ñan e, im ba, Emōj aō lo Devid nejin Jesse, armej būruen āinwōt būruō, eo enaaj kōmman ankil Aō otemjej.
- [23] Jān ineen armej in, Anij, ekkar ñan kallimur eo, E ar āñintok ñan Israel juon Ri Lomoor, Jijej;
- [24] Ke Jon e ar kwaļok peptaj kōn ukeļok ñan armej in Israel otemjej, mokta jān An itok.
- [25] A ke Jon ej kōmman jermal eo an, e ba, Wōn ña ilo ami ļomnak? Ña I jab E. A lo, juon ej itok ālikū, ballin neen ij petkake bwe in jeļate.
- [26] Komeo, jeiō im jatiō, ro nejin Ebrean, im ro jabdewōt iaami re mijak Anij, jilkintok naan in lomoor in ñan kōj.
- [27] Bwe ro rej jokwe ilo Jerusalem, im irooj ro aer, kōn aer jaje E, im jaje ainikien ri kanaan ro, kōnono ilo bok ko aer raan Jabōt otemjej, raar kaṃool i kōn aer liaakļok E.
- [28] Im meñe raar jab lo ruōn bwe En mej, raar akweļap ñan Pailat bwe En mej.
- [29] Im ke emōj aer kaṃool men otemjej ar jeje kōn E, rej door E jān wōjke, im likūt E ņa ilowan lōb.
- [30] Im Anij e ar kajerkakpeje E jān ro remej.
- [31] Im ro raar itok ippān tok jān Galili ñan Jerusalem raar lo E elōñ raan, im er An ri kōnnaan ñan armej rañ.
- [32] Im kōm kwaļok ñan kom naan in lañlōñ ko emōj leļok ñan ro jimmad,
- [33] Ekōjkan an Anij kaṃool men in ñan kōj ro nejir, kōn An kajerkakpeje Jijej: āinwōt jeje ilo Sam kein ka ruo, Kwe Nejiō ṃaan, I ar keotak Eok rainin.
- [34] Im kōn an kajerkakpeje E jān ro remej, im e jāmin bar jepļaak ñan kōt, E ar ba naan kein, Inaaj lewōj ñan Eok men ko rekwōjarjar im reṃool an Devid.
- [35] Kōn men eo, Ej barāinwōt ba ilo bar juon Sam, Kwō jāmin leļok Aṃ Ri Kwōjarjar bwe En lo kōt.
- [36] Bwe ālikin an Devid pokake ankilaan Anij ilo epepen eo an, e mej, im raar likūt e ippān ro jeman, im ej lo kōt,
- [37] A Eo Anij ear kajerkakpeje E, E ar jab lo kōt.
- [38] Kōn men kein, kom jeiō im jatiō, komwin jeļā bwe kōn armej in kōm kwaļok ñan kom juurļok jerowiwī ko.
- [39] Im kōn E, er otemjej rej tōmak, emōj kowānōk er jān men otemjej, men ko kien Moses e jab maroñ in kowānōk er kaki.
- [40] Kōn men eo, komwin kōjparok kom ñe men eo ab itok iomi, men eo ri kanaan ro raar kōnono kaki;

- [41] Lo, komeo ri kajekdoon, kom bwilõn im jako: bwe Ij jerbale juon jermal ilo raan ko ami, jermal eo kom kanooj jãmin tõmak, ejañne juon armej ej kõnnaanõk kom.
- [42] Im ke emõj aer diwõj]lok, rej akwelap bwe ren kwaļok naan kein ñan er ilo Jabõt enaaj itok.
- [43] A ke emõj kõtļok jar eo ilowan imõn kweilok, elõn iaan ri Ju ro, im ri proselait emman mwilir rej mõk Paul im Barnebas; ke rejro kõnono ñan er, rej kauwe er bwe ren pãd wõt ilo jouj in Anij.
- [44] Im ke Jabõt ej itok, enaain aolepen jikin kwelok rej kweiloklok bwe ren roñjake naan in Anij.
- [45] A ke ri Ju ro raar lo jar ko, re obrak kõn ban, im rej kõnono ñae men ko Paul ej kõnono kaki, im blaspim.
- [46] Innãm Paul im Barnebas eļap aer peran, im re ba, Emman jãn kwaļok naan in Anij ñan kom mokta; a kõn ami julok jãn kom im make ekajete kom petkake jãn mour indeeo, kõmij oktak ñan ro ri aelõn ko.
- [47] Bwe ãindein an Irooj jiroñ kõm, im ba, I ar likūt Eok meram ñan ri aelõn ko, bwe Kwõn pinmuur ñan jabõn laļ etoļoktata.
- [48] Im ke ri aelõn ko rej roñjake men in, rej lañlõn im wũjtake naan in Irooj; im ro jabdewõt ar likūt er bwe ren mour indeeo, rej tõmak.
- [49] Im naan in Irooj ej peddejake ilo aolepen ãne eo.
- [50] A ri Ju ro rej poktak ro liãtõktõk im ro ļeãtõktõk ilo jikin kwelok, im kõmman bwe ren matõrtõre Paul im Barnebas, im joļok erro jãn ãne ko ãneir.
- [51] A rej jojen bũñalñal in neir ñae er, im itok ñan Aikoniõm.
- [52] Im ro ri kaļoor rej obrak kõn lañlõn, im kõn Jetõb Kwõjarjar.

JEPTA 14

- [Jr 14.1] Im ke rej pãd ilowan Aikoniõm, rejro deļõn ilowan imõn kweilok an ri Ju ro, im elõn ri Ju kab ro ri Grik rej tõmak kõn aer in naan.
- [2] A ri Ju, ro re jab tõmak, rej poktak bũruen ro ri aelõn ko, im kananaik er ñae jemjein jemjaten.
- [3] Innãm eto aer pãd ijo, im re peran im kõnono ilo Irooj, eo Ek kõnnaan kõn naan in jouj eo An im leļok kakõļe ko, im men in bwilõn ko kõn peir.
- [4] A jar in jikin kwelok e jepel; im jet ippãn ri Ju ro, im jet ippãn ro ri jelõk.
- [5] Im ke ri aelõn ko, im ri Ju ro kab irooj ro aer, rej teltiltok er, bwe ren kõkkure er im kade er,
- [6] Re jeļã kajjien im ko ñan Listra im Derbe, ruo jikin kwelok in Laikeonia, im ñan ãneo iturin.
- [7] Im ijo rej kwaļok gospel.
- [8] Im ilo Listra juon emmaan ej jijet, emõjño kõn neen, ekũrro jãn lojien jinen, e ar jab etetal:
- [9] Lein ej roñ an Paul kõnono, eo ej kallimjeke, im kile bwe ewor an tõmak bwe en mour,
- [10] □Im e ba kõn ainikien eļap, Kwõn jutak jimwe kõn nioṃ. Im ej kãke im etetal.

- [11] Im ke armej rej lo men eo Paul e ar kōmanmane, rej koutiej ainikier, im ba ilo kajin Laikeonia, anij ro rej wanlaɫtak ñan kōj, im ainwōt wāween armej.
- [12] Im Barnebas rej likūt etan Jupiter: im Paul rej ñaetan Merkuriōs, bwe e lukkuun in kōnono.
- [13] Innām pris an Jupiter, tempel eo an ej iturin jikin kwelok, ej bōktok kau koṃaan ko, kab wōt ko pällir ñan kōjām ko, e kab armej raṅ re kōṃaan katok.
- [14] Ke ro ri jelok, Paul im Barnebas, rej roñjake, rej kekeel nuknuk ko aer, im tōr ilo bwiljin armej, im laṃōj,
- [15] Im ba, Lōṃa etke komij kōmanman men kein? Kōmro armej wōt im ainwōt kom, im kōmij kwaɫok ñan kom bwe koṃwin oktak jān men kein jekdoṃ ñan Anij Eṃool, eo e ar kōmanman lañ, im laɫ, im loṃeto, im men otemjej ilo er:
- [16] Ilo iien ko ṃokta E ar kōtɫok ri aelōñ otemjej bwe ren etal ilo ial ko aer.
- [17] A E ar jab make likūt E im ejjelok men in kōnnaan kake, bwe E ar kōmanman eṃman, im lewōj ñan kom wōt jān lañ, im iien ko elōñ ekkan, Ej kobraṅ būruemi kōn kijemi im lañlōñ.
- [18] Im kōn naan kein re nañin jab dāpij armej jān aer katok ñan er.
- [19] A jet ri Ju rej itok jān Antiok im Aikoniōm, rej kareel jar ko, im ke eṃōj aer kade Paul, rej iper e jān jikin kwelok, im rej lōṃṃak e mej.
- [20] A ke ri kaṃoor rej jutak im kōpool e, ej jerkak im deṃōñ ilowan jikin kwelok eo. Im ke ilju e kab Barnebas rejro ilok ñan Derbe.
- [21] Im ke eṃōj airro kwaɫok naan in eṃman ilo jikin kwelok eo, im kōṃman bwe elōñ ri kaṃoor, rej bar jepɫaak ñan Listra, im Aikoniōm, im Antiok.
- [22] Im rej kapin būruen ro ri kaṃoor, im kauwe er bwe ren pād wōt ilo tōmak eo, im bwe jān deṃōñ ilo aelōñ in Anij kōn elōñ eñtaan.
- [23] Im ke eṃōj aer likūt elder ro ñan er ilo eklejia otemjej, im jar im jitɫok, rejro leɫok er ñan Irooj, eo re kar lōke E.
- [24] Im ālikin aer deɫok Pisidia, rej itok ñan Pampilia.
- [25] Im ke eṃōj aer kwaɫok naan ilo Perga, rej wanlaɫok ñan Attelia;
- [26] Im jān ijo rej jerak ñan Antiok, jān ijo kar likūt erro ilo jouj in Anij kōn jermal eo rej kaṃōjɫok.
- [27] Im ke re moottok, im eṃōj aer kokweilokɫok eklejia, rej kōnnaanōk er men otemjej an Anij kōmanman kōn erro, im ekōjkan kapelɫok aor in tōmak ñan ro ri aelōñ ko.
- [28] Im eto aer pād ijo ippān ro ri kaṃoor.

JEPTA 15

- [Jr 15.1] Im jet armej rej wanlaɫtak jān Judia im katakin jemjein jemjaten, im ba, Eɫañne kom jab ṃwijiṃwiji im ainwōt ṃanit an Moses, kom ban mour.
- [2] Im ke eɫap an Paul im Barnebas akwāāl er im aitwerōk ippaer, ar likūt bwe Paul im Barnebas, im bar jet iaer, ren wanlōñɫok ñan Jerusalem, ñan ippān ro ri jelok im elder ro kōn men in kajjitok in.

- [3] Innām eklejia rej jipañ er kōn aer ilōk, im rej deblōk Pinaise im Sameria, im kōnnaanōk kōn an ri aelōñ ukeļōk ippaer: im eļap aer kabuñbūruen jemjein jemjaten otemjej.
- [4] Im ke re moottok ñan Jerusalem, eklejia eo kab ro ri jelōk im elder ro, rej bōk er, im rejro kōnnaanōk er men otemjej Anij e ar kōmanman kōn er.
- [5] A jet iaan jar an Parisi ro, ri tōmak, re jutak, im ba, Emman mwijit er, im jiroñ er bwe ren pokake kien Moses.
- [6] Im ro ri jelōk im elder ro rej kweilōklok bwe ren pepe kōn men in.
- [7] Im ke eļap aer aitwerōk, Piter e jutak, im ba ñan er, Komeo, jeiō im jatiō, kom jeļā bwe mōktata Anij e ar kāālōt jān ipped, bwe jān lōñiō ri aelōñ ren roñ naan in gospel im tōmak.
- [8] Im Anij eo e jeļā būruen armej, Ej kōnnaan ñan er kōn An leļōk Jetōb Kwōjarjar ñan er, āinwōt ñan kōj;
- [9] Im E jab kalijekļōk kōj jān er, im Ej karreo būrueir kōn tōmak.
- [10] □Innām kiiō, etke komij kaillu Anij kōn ami likūt ine i aerān ri kaļoor, men eo ro jimmad kab kōj je jab maroñ in kaperper kōj kake?
- [11] A jej tōmak bwe, kōn jouj an ad Irooj Jijej Kūraij, je naaj mour im āinwōt er.
- [12] Innām jar otemjej rej ikōñ, im karoñjake Barnebas im Paul, ke rejro bwebwenato kōn kakō]e ko im men in bwilōñ ko an Anij kōmanman ippān ri aelōñ kōn erro.
- [13] Im ke rejro ikōñ, Jemes e uwaak, im ba, Komeo jeiō im jatiō, komwin karoñjak eō;
- [14] Simeōn e ar kōnnaanōk kōjkan an Anij ilōk mōkta ñan ippān ri aelōñ ko, bwe En bōk armej jān er kōn etan.
- [15] Im ekkar ñan men in naan ko an ro ri kanaan; āinwōt ar je,
- [16] Ālikin men in I naaj jepļaak, im bar kalōk imōn kōppād an Devid, eo e ar buñ; im I naaj bar kalōk mweo e mor, im I naaj kajuuri;
- [17] Bwe armej rañ mōttan mej ren pukot Irooj, im ri aelōñ otemjej, ioer rej ba eta,
- [18] Āindein Irooj ej ba, Eo ej kwaļōk men kein jān iien mōktata.
- [19] Kōn men eo aō pepe bwe jān jab kamakoko ro jān iaan ri aelōñ rej oktak ñan Anij;
- [20] A jān jeje ñan er bwe ren kōjparok er jān men ko rettoon an ekjab ko, im jān lōñ, im jān men ko remej kōn lukwōj būrueir, im jān bōtōktōk.
- [21] Bwe jet an Moses jān epepen ko mōkta, rej kwaļōk e ilowan jikin kwelōk otemjej, im rej kōnono ilo bok eo an ilowan imōn kweilōk ko raan Jabōt otemjej.
- [22] Iien eo ro ri jelōk im elder ro, kab ri eklejia otemjej, rej lōmņak emman bwe ren kāālōt armej jān jar eo aer im jilkinļōk er ippān Paul im Barnebas ñan Antiok; etaer Judas āt eo juon Barsebas, im Sailas, routiej ippān jemjein jemjaten;
- [23] Im rej jejeļōk na ippaer āinwōt naan kein; Ro ri jelōk im elder ro, jemjein jemjaten ñan jemjein jemjaten jān ri aelōñ ilo Antiok, im Siria im Silisia, Yokwe kom:

- [24] Bwe kōm ar roñjake bwe jet iaan ro raar ilok jān kōm rej kamakokoik kom kōn naan ko, im kōkkure būruemi, im ba, Emman komwin mwijit, im pokake kien, im kōm ar lelok ñan er ejjelok kien;
- [25] Ke būruem wōt juon, kōm ar lōmṇak, emman bwe kōmin kāālōt armej ro im jilkinwōj er ñan kom, ippān Barnebas im Paul ro jitōnbōro ippem,
- [26] Armej ro raar kajekdoon aer mour kōn etan ad Irooj Jijej Kūraj.
- [27] Innām kōm ar jilkinwōj Judas im Sailas, im renaaj barāinwōt kōnnaanōk kom men kein kōn aer in naan.
- [28] Bwe Jetōb Kwōjarjar im kōm ar lōmṇak, emman bwe kōmin jab likūt iomi men ko reḷap jān men kein remman:
- [29] Bwe komwin kōjparok kom jān men in katok ñan ekjab ko, im jān bōtōktōk, im jān men ko re mej kōn lukwōj būrueir, im jān lōñ: eḷañne komij kōjparok kom jān men kein, enaaj emman ippemi. Yokwe Kom.
- [30] Innām ke emōj kōtlok er, rej itok ñan Antiok; ke emōj aer kokweiloktok jar eo, rej lelok lōta eo.
- [31] Ke emōj aer kōnono ilo e, rej lañlōñ kōn naan in kaenōmman eo.
- [32] Im Judas im Sailas, rejro ri kanaan, rej kauwe jemjein jemjaten kōn elōñ naan, im karim būrueir.
- [33] Im ālikin aer pād ie jet iien, rej kōtlok er ilo aenōmman jān jemjein jemjaten ñan ro re kar jilkinlok er.
- [35] A Paul im Barnebas rej pād wōt i Antiok, im katakin im kwaḷok naan in Irooj, kab bar elōñ.
- [36] Im ālikin jet raan, Paul ej ba ñan Barnebas, Emman jenro jepḷaaklok im loḷok ro jeed im jated ilo jikin kwelok otemjej, jaar kwaḷok naan in Irooj ie, im jelā kajjier.
- [37] Im Barnebas ej lōmṇak renro āñintok ippaer tok Jon, āt eo juon Mark.
- [38] A Paul ej lōmṇak e jab emman āñintok e ṇa ippaerro, bwe e ar ilok jān er i Pampilia, im jab ilok ippaer lok ñan jermal eo.
- [39] Im eḷap airro akwāāle doon, innām rej jepel jān doon; im Barnebas ej bōk Mark im jerak ñan Saiprōs.
- [40] A Paul ej kāālōt Sailas, im ilok, im jemjein jemjaten rej lelok erro ñan jouj in Anij.
- [41] Im ej deblōk Siria im Silisia, im kapen eklejia ko.

JEPTA 16

- [Jr 16.1] Im ej barāinwōt itok ñan Derbe im Listra; im lo, juon ri kaḷoor ej pād ijo, etan Timote, nejin juon kōrā ri Ju, eo ej tōmak; a jeman ri Grik.
- [2] Jemjein jemjaten i Listra im Aikoniōm rej nōbar e.
- [3] Paul e kōṇaan bwe en ilok ippān lok; im ej bōk e im mwijit e, kōn ri Ju ro rej pād ijo ko: bwe er otemjej re jelā bwe jeman ri Grik.
- [4] Im ke rej etal lok ilo jikin kwelok ko, rej lelok ñan er kien ko bwe ren lale, ro ri jelōk im elder ro rej pād i Jerusalem raar kaiñi.
- [5] Innām eklejia ko re penlok ilo tōmak, im oraer e orlok raan otemjej.

- [6] Im rej debløk Prijia im Pampilia, a Jetōb Kwōjarjar ej jiroñ er bwe ren jab kwaļok naan i Esia;
- [7] Im ke eṃōj aer itok ikijjien Misia, rej kajjioñ bwe ren ilok ilo Bitinia, a Jetōb an Jijej e jab kōtļok er.
- [8] Im rej kijoone Misia im wanlaltak ñan Troas.
- [9] Im juon visiōn ej weaaktok ñan Paul ilo boñ; juon armej ri Masedonia e jutak, im akweļap ñan e, im ba, Kwōn itok ñan Masedonia im jipañ kōm.
- [10] □Im ālikin an lo visiōn eo, eṃōkaj am pukot bwe kōmin ilok ñan Masedonia; kōm ļōmṃak bwe Irooj e ar kūrļok kōm bwe kōmin kwaļok gospel ñan er.
- [11] Innām ke kōmij jerak jān Troas, kōmij tartok jimwewōt ñan Samotresia, im raan eo ilju ñan Niapolis;
- [12] Im jān ijo ñan Pilippai, jikin kwelok ṃokta ilo buñ eo, i Masedonia, āne ekāāl an Rom: im iuṃwin jet raan kōm pād ilo jikin kwelok eo.
- [13] Im ilo raan Jabōt kōm ar ilok jān jikin kwelok ṃa iturin reba, ijo kōm ar ļōmṃak jikin jar; im kōmij jijet im kōnono ñan kōrā ro rej kweilokļok ijo.
- [14] Im juon kōrā etan Lidia, juon ri wia kōn nuknuk eōij, jān jikin kwelok Taietaira, ej ri kabuñ ñan Anij, im ej roñjake kōm: Irooj ej kapeļļok būruen, bwe en eṃroñ naan ko Paul ej kōnono kaki.
- [15] Im ke eṃōj peptaij, im ro nukwin, ej akweļap ñan kōm, im ba, Eļañne komij ļōmṃak bwe ij tiljek ñan Irooj, koṃwin deļoñ ilowan ṃweo iṃō, im pād wōt. Im ej dāpij kōm.
- [16] Im ke kōmij ilok ñan jikin jar, juon jiroñ, jetōb ōn ṃadṃōd ej ṃok ṃa ānbwinnen, ej wōnṃae kōm, e ar bōk elōñ ṃweiien ñan irooj ro an kōn an rūkaanij.
- [17] Liij ej ļoor Paul im kōm, im laṃōj, im ba, Armej rein doon Anij Eutiejtata, rej bakajjien ñan kom ial in mour.
- [18] Im āindein an kōṃṃan iuṃwin elōñ raan. A Paul, kōn an eñtaan būruen, ej oktak im ba ñan jetōb eo, Ij jiroñ eok, ilo etan Jijej Kūrai, bwe kwōn jutakļok jān e. Im ej ilok jān e ilo awa eo.
- [19] A ke irooj ro an rej lo bwe ejako kōtmāne kōn ṃweiier ļok, rej jibwe Paul im Sailas, im kekaake er ñan jikin wia, iṃaan irooj raṃ,
- [20] Im āñinļok er ñan pritōr ro, im ba, Armej rein, ri Ju ro, eļap aer kananaik ad jikin kwelok,
- [21] Im rej kwaļok ṃanit ko e ṃo ar bōki, ak pokake, bwe kōj ri Rom.
- [22] Im jar eo rej jimor juṃae er; im pritōr ro rej kekeel nuknuk ko aer, im jiroñ bwe ren deñļok er kōn aļaj ko.
- [23] Im ke elōñ alen aer deñļok, rej joļok er ṃa ilowan prisōn, im jiroñ ri lale prisōn bwe en kanooj baar er.
- [24] Ke ej roñ naan iṃ, ej iuunļok er ñan lowaan prisōn eo ioļap, im kabij neir ṃa ilo ra ko.
- [25] A ke ilukwōn boñ, Paul im Sailas rej jar, im al naan im wūjtake Anij, im ri prisōn rej roñjake er.

- [26] Im emōkaj eļap an laļ makūtkūt, āinwōt bwe foundesōn ko in prisōn re makūtkūt: im kiiōkiiō aor otemjej repelļok, im men ko lukwōjen armej otemjej remejōl.
- [27] Im ri lale prisōn e ruj, im ke ej lo aor in prisōn otemjej repelļok, ej nure jāje eo an, im nañin make man e, kōn an ļōmņak ri prisōn raar ko.
- [28] A Paul ej lamōj kōn eļap ainikien, im ba, Kwōn jab kaeñtaan eok: bwe kōm otemjej pād wōt ijin.
- [29] Innām ej kūrtok romaak ko, im kālōk lowaan, im e wūdidid, im buñ imaan mejan Paul im Sailas,
- [30] Im āñintok er, im ba, Irooj rārā, ta eo in kōmanmane bwe in mour?
- [31] Im re ba, Kwōn lōke Irooj Jijej, im kwō naaj mour, kwe im ro nukwum.
- [32] Im rej kōnono ñan e naan in Irooj, im ñan ro otemjej rej pād ilowan mweo imōn.
- [33] Im ej bōk er ilo awa eo ilo boñ, im kwaļe ijo raar deñļok er: im ej peptaij, e im ro nukwin otemjej kiiōkiiō.
- [34] Im ke emōj an āñintok er ilowan mweo imōn, ej likūt kijeir iμαer, im ej lañlōñ, kab ro nukwin otemjej, rej tōmak Anij.
- [35] Im ke ej raantak, pritōr raņ rej jilkinļok ri kabōjrak, im ba, Kwōn kōtļok armej ro.
- [36] Im ri lale prisōn ej kōnnaanōk Paul naan in, Pritōr raan raar jilkintok bwe in kōtļok kom: innām komwin ilok ilo aenōmman.
- [37] A Paul e ba ñan er, Raar deñļoke kōm ilo bwilij, im jab liaakļok kōm, armej ri Rom, im raar joļok kōm ilowan prisōn; im kiiō re kōņaan nooj aer kadiwōjļok kōm ke? O jab; ren make itok im āñinļok kōm.
- [38] Im ri kabōjrak rej kōnnaanōk pritōr raņ kōn naan kein: im rej mijak ke rej roņjake bwe erro ri Rom.
- [39] Im rej itok im akweļap ñan er, im āñinļok er, im kajjitōk ippaer bwe ren ilok jān jikin kwelok eo.
- [40] Im rej diwōjļok jān prisōn, im deļoņ ilowan imōn Lidia: im ke emōj aer lo jemjein jemjaten, rej kaenōmmane er, im rej ilok.

JEPTA 17

- [Jr 17.1] Kiiō ke emōj aer deblōk Ampipolis im Apolonia, rej itok ñan Tessalonika, ijo juon imōn kweilok an ri Ju ro:
- [2] Im Paul, āinwōt an kōmman iien otemjej, ej deļoņ ñan ippaer, im ilo jilu Jabōt ej kameļeļe ñan er jān Jeje ko.
- [3] Ej kameļeļeik im kaņpool, bwe ekkar an ri Kūraij eñtaan, im jerkakpeje jān ro remej; im bwe Jijej in Eo ij kwaļok ñan kom E ri Kūraij.
- [4] Im jet iaer e reel būrueir, im rej kōmmao ippān Paul im Sailas, kab elōñ iaan ro ri Grik emman mwilir, im jab iiet iaan ro liātōktōk.
- [5] A ri Ju, ro re jab tōmak, kōn aer juunmaad, rej bōk jet ri nana iaan ri jowan, im kokweilokļok juon jar, im kakeroro aolepen jikin kwelok eo, im deļoņ ilowan imōn Jeson, im pukot bwe ren bōktok er ñan armej raņ.

- [6] Im ke re jab lo er, rej kekaake Jeson im jet jemjein jemjaten ñan irooj in jikin kwelok ro, im lamōj, lōmarein raar ukōje la, rej kab itok ñan ijin;
- [7] Jeson ej bōk er: im rein otemjej rej kōmman ñae kien ko an Sizar, im ba bar juon Kiñ, E Jijej.
- [8] Im rej kejānene armej im irooj in jikin kwelok ro, ke rej roñjake men kein.
- [9] Im ke emōj aer bōk sikuriti jān Jeson im ro jet, rej kōtlok er.
- [10] □Im emōkaj an jemjein jemjaten jilkinlok Paul im Sailas ilo boñ ñan Beria. Ke rej itok rej deļoñ ilowan imōn kweilok an ri Ju ro.
- [11] Lōmarein remman jān ri i Tessalonika, bwe emōkaj aer bōk naan im mōñōñō, im pukot ilo Jeje ko raan otemjej, bwe ren jeļā men kein remool ke jab ke.
- [12] Innām elōñ iaer rej tōmak: kab iaan liātōktōk im leātōktōk ro ri Grik, jab iiet.
- [13] A ke ri Ju ro i Tessalonika re jeļā bwe Paul ej kwaļok naan i Beria, rej kab itok ñan ijin, im kejānene armej rañ im poktak er.
- [14] Innām emōkaj an jemjein jemjaten jilkinlok Paul bwe en ilok ñan lomaļo: a Sailas im Timote rej pād wōt ijo.
- [15] Im ro rej tōllok Paul rej āñintok e ñan Atens: im ke rej bōk naan ñan Sailas im Timote bwe en mōkaj airro itok ñan e, rej ilok.
- [16] A ke Paul ej kattar er i Atens, e pok būruen ke ej lo jikin kwelok eobrak kōn ekjab ko.
- [17] Innām ej aitwerōk ri Ju ro im armej emman mwilir ilo imōn kweilok, im ro ej ioon er ilo jikin wia, raan otemjej.
- [18] Innām jet ri mālōtlōt iaan doon Epikurōs, im iaan ri Stoik, rej akwāāl e. Im jet re ba, Ta eo kowadoñ in ej ba? bar jet re ba, E āinwōt ej kwaļok anij ro ruwa: bwe ej kwaļok Jijej ñan er, im jerkakpeje.
- [19] Im rej bōk e, im āñintok e ñan Areopegōs, im ba, Kōm maroñ in jeļā ke naan in ekāāl kwōj kōnono kake?
- [20] Bwe kwōj bōk men ko ruwa ñan lojilñōm: innām kōm kōñaan jeļā re naaj et men kein.
- [21] (Bwe ri Atens otemjej, im ro ruwamāejet rej pād ijo, ejjeļok bar juon aer kōmman, a rej pād wōt im kōnnaanōk ak roñjake jabdewōt men eo ekāāl.)
- [22] Innām Paul ej jutak ilukwōn Areopegōs, im ba, Komeo, ri Atens, ij lo eļap ami lale men in kabuñ ko otemjej.
- [23] Bwe ke I ar itoitak, im lo kabuñ ko ami, I ar lo juon lokatok im jeje in ioon, ÑAN ANIJ EO JE JAJE KAKE. Innām Eo komij kabuñ im jaje kake, E in ij kwaļok ñan kom.
- [24] Anij eo E ar kōmanman la, im men otemjej ilowan, E Irooj in lañ im la, E jab jokwe ilowan tempel pā ko rej kōmanman;
- [25] Im ejjeļok an pein armej jermal ñan E, āinwōt eļañne Ej aikuj men eo jabdewōt, bwe Ej leļok ñan otemjej mour, im menono, im men otemjeļok;
- [26] Im E ar kōmanman jān juon wōt, ri aelōñ kan otemjeļok rej jokwe i mejan la, im E ar likūt iien ko ar jiroñ kaki mokta, im tōrerein āne ko āneir,

- [27] Bwe ren pukot Anij, ejaññe rej maroñ in jatoĵ E, im lo E, ijoke E jab etoĵok jãn kōj otemjej;
- [28] Bwe ilo E jej mour, im etetal, im pād; ainwōt jet iaan ro ami ri kine al raar ba, Bwe kōj barāinwōt ro nejin.
- [29] Innām bwe kōj ro nejin Anij, e jab emman bwe jãn lõmṅak wāween Anij ainwōt kooĵ ak silver ak dekā, kōmanṅAn ilo kajjioñe, ainwōt an armej lõmṅak.
- [30] Im Anij e ar jab kanooj illu ilo iien ko iien jaje: a kiiō Ej jiroñ armej otemjej ijo ko otemjej bwe ren ukeĵok ippaer:
- [31] Bwe E ar likūt juon raan, iumwin raan eo E naaj ekajet ro ri laĵ ilo wānōk kōn Armej eo E ar likūt E, im E ar leĵok men in kareel ñan otemejj kōn An kejerkakpeje E jãn ro remej.
- [32] Im ke rej roñ kōn jerkakpeje jãn ro remej, jet rej kajjirere kake: im bar jet re ba, Kōm naaj bar roñ jãn eok kōn men iñ.
- [33] Im āindein Paul ej iloĵ jãn ippaer.
- [34] A jet armej rej eddāp ṅa ippān im tōmak; juon iaer Daionisiōs ri Areopegōs, im juon kōrā etan Dameris, im bar jet ippaer.

JERBAL 18

- [Jr 18.1] Ālikin men kein Paul ej iloĵ jãn Atens, im itok ñan Korint:
- [2] Im ej lo juon ri Ju etan Akula, e ar ļotak i Pontōs, ej kab itok jãn Itali, im lio pāleen Prisilla, bwe Klaudiōs e ar jiroñ ri Ju otemjej bwe ren iloĵ jãn Rom: im ej itok ñan ippaerro.
- [3] Im kōn juon wōt jermal eo aer, ej pād ippaer, im jermal: bwe jermal eo aer kalōk im nuknuk ko.
- [4] Im ej kameĵeĵeik ilowan imōn kweiloĵ Jabōt otemjej, im kareel ri Ju ro im ro ri Grik.
- [5] Im ke Sailas im Timote rej itok jãn Masedonia, eĵap an Paul itok-limoōn kōn naan, im kōnnaanōk ri Ju ro bwe Jije e ri Kūraij.
- [6] Im ke rej jumae, im blaspim, ej kamakūt kūt nuknuk eo an, im ba ñan er, Bōtōktōkemi en ioon bōrami; ñan I rreo: jãn iien iñ I naaj iloĵ ñan ri aelōñ ko.
- [7] Im ej iloĵ jãn ijo, im deĵoñ ilowan imōn juon armej, etan Taitōs Jōstōs, eo ej kabuñ ñan Anij, ṅweo imōn epaake imōn kweiloĵ.
- [8] Im Krispōs, irooj eo an imōn kweiloĵ, ej lōke Irooj, kab ro nukwin otemjej; im elōñ iaan ri Korint, ke rej roñjake, rej tōmak im peptajj.
- [9] Innām Irooj ej kōnono ñan Paul ilo boñ kōn visiōn, im ba, Kwōn jab mijak, a kōnono, im jab ikōñ;
- [10] Bwe Ņa Ij pād ippām, im eĵeĵok armej enaaj maroñ in koĵkure eok; bwe elōñ armej ro Aō ilo jikin kweloĵ iñ.
- [11] Im ej pād ijo iumwin juon iiō im jiljino allōñ, im katakin er kōn naan in Anij.
- [12] Im iien eo, ke Gallio e prokonsōl in Akeia, ri Ju ro rej jimor kālōk ñan Paul, im āñintok e ñan jikin ekajet,
- [13] Im ba, Ļe iñ ej kareel armej bwe ren kabuñ ñan Anij jab ekkar ñan kien.

- [14] Im ke Paul e nañin wañañi loñin bwe en kōnono, Gallio ej ba ñan ri Ju ro, Eñaññe men in men eo enana ak eļap jerōwiwi, O ri Ju ro, emman bwe in meanwōd ñan kom;
- [15] A eñaññe men kein men in kajjitōk kōn naan ko im āt ko, im kiemi, komwin make lale; bwe I jab kōñaan ekajet kōn men ko.
- [16] Im ej kokok er jān jikin ekajet.
- [17] Innām er otemjej rej jibwe Sostenis, irooj an imōn kweilok, im deñloke imaan jikin ekajet. Im men kein men in jekdoon ippān Gallio.
- [18] Im ālikin men in eto an Paul pād wōt ijo, innām ej likūt jemjein jemjaten, im jerak jān ijo ñan Siria, im Prisilla im Akula ippān; e ar kwōdmat bōran i Senkria; bwe juon an m̄uri ñan Anij.
- [19] Im ej itok ñan Epesōs, im likūt erro ijo; a ej deļoñ ilowan imōn kweilok , im kameļeļeik ippān ri Ju ro.
- [20] Ke rej kajjitōk ippān bwe en orlok iien an pād ippaer, e jab kōñaan;
- [21] A ej likūt er, im ba, Eñaññe Anij ekōñaan, I naaj bar jepļaak ñan kom. Im ej jerak jān Epesōs.
- [22] Im ke emōj an to i Seteria, im wanlōñlok, im iokioke eklejia, ej wanlaļlok ñan Antiok.
- [23] Im ālikin an pād ijo jet iien, ej ilok im etetal jimwe i āne Galetia im Prijia, im kakajoor ri kaļoor otemjej.
- [24] Im juon ri Ju, etan Apollōs, e ar lotak i Alexandria, e ri mālōtlōt, im e kajoor ilo naan in Jeje ko, ej itok ñan Epesōs.
- [25] Armej in e ar katak kōn ial in Irooj; im kōn an bab-laļin, eļap an kōnono im katakin men ko an Irooj, e jeļā peptaij an Jon wōt.
- [26] Im e jino an kōnono peran ilowan imōn kweilok: ke emōj an Akula im Prisilla roñjake, rejro bōk e ñan er, im kameļeļeik im kaalikkarlok ial in Anij ñan e.
- [27] Im ke ekōñaan ilok ilujen Akeia, jemjein jemjaten rej kaperan e im jeje ñan ro ri kaļoor bwe ren bōk e: ke e moottok eļap an jipañ ro raar tōmak kōn jouj;
- [28] Bwe eļap an kaikōñ ri Ju ro, ilo bwilij, im ej kwaļok kōn Jeje ko bwe Jijej e ri Kūraij.

JEPTA 19

- [Jr 19.1] In ke Apollōs ej pād i Korint, im emōj an Paul deblōk āne ko ioij, ej itok ñan Epesōs im lo jet ri kaļoor;
- [2] Im e ba ñan er, Iien ami tōmak kom ar bōk Jetōb Kwōjarjar ke? Im re ba ñan e, Jab. Kōm ar jab roñ bwe emōj letok Jetōb Kwōjarjar.
- [3] Im e ba ñan er, Innām ilo ta kom ar peptaij? Im re ba, Ilo peptaij an Jon.
- [4] Innām Paul e ba, Jon e ar peptaij kōn peptaij in ukeļok, im ba ñan armej, bwe ren lōke Eo e naaj itok ālikin, E in Jijej.
- [5] Ke rej roñ men in, rej peptaij ilo etan Irooj Jijej.

- [6] Im ke emōj an Paul likūt pein ioer, Jetōb Kwōjarjar ej itok ioer; im rej kōnono kōn lo ko im ri kanij.
- [7] Im rein otemjej enañin joñoul im ruo maan raņ.
- [8] Im ej deļoņ ilowan imōn kweilōk, im ej kōnono peran iumwin jilu allōñ, im kameļeļeik im kareel kōn men ko an aelōñ in Anij.
- [9] A ke jet repen, im jab pokake, a rej kōnono nana kōn Ial eo imaan mejan jar eo, ej ilōk jān er, im ej kamakeļok iaer ro ri kaļoor, im raan otemjej ej kameļeļeik ilo jikuuļ an Turannōs.
- [10] □Im āin men in deiņ iumwin ruo iiō; innām er otemjej rej jokwe i Esia rej roñ naan in Irooj Jijej, ri Ju ro im ro ri Grik.
- [11] Im Anij ej kōmanman jet men in bwilōñ reļap kōn pein Paul:
- [12] Bwe rej bōktok aņkijep ko ak kooļ ko jān ānbwinnen ñan ro re nañinmej, im nañinmej ko aer rej ilōk jān er, im jetōb renana re jutakļok jān er.
- [13] A jet ri Ju, ri etetal, ri kajutakļok, rej kajjioņ bwe ren kūr etan Irooj Jijej ioon ro jetōb nana rej pād ippaer, im ba, Kōm kanejneļ kom kōn Jijej eo Paul ej kwaļok kake.
- [14] Im jiljilimjuon maan nejin Siva, ri Ju, juon pris eļap, rej kōmman āindein.
- [15] Im jetōb enana e uwaak im ba, Ij kile Jijej, im I jeļā Paul; a wōn kom?
- [16] Im armeļ eo jetōb enana ippān ej kāik er, im e kajoor jān er, im anjō ioer, āinwōt re ko jān mweo re keelwaan im kinejneļ.
- [17] Im ri Ju ro otemjej, im barāinwōt ro ri Grik rej jokwe i Epesōs re jeļā men in; im lōļņoņ e buñ ioer otemjej, im etan Irooj Jijej ebuñbuñļok.
- [18] Im elōñ iaan ro raar tōmak rej itok, im kwaļok, im kōjjeļā kōn kōmman ko aer.
- [19] Im elōñ iaan ro raar kōmomu rej aini bok ko aer, im tile imaan mejan armeļ otemjej; im rej bwini oņāer, im lo e lemñoul tōujin mōttan silver.
- [20] Āindein an kanooj ļapļok im kajoorļok naan in Anij.
- [21] Ke emōj men kein, Paul ej pepe ilo būruen, mōjen an deblōk Masedonia im Akeia, en ilōk ñan Jerusalem, im e ba, Ālikin aō pād ijo, emman bwe in barāinwōt lo Rom.
- [22] Im ej jilkinļok ñan Masedonia Timote im Erastōs, ruo iaan ro raar jipaņ e; a ej pād wōt i Esia iumwin jet iien.
- [23] Im ilo iien in eļap jānene kōn Ial eo e waļok.
- [24] Bwe juon emman etan Demetriōs, ri jermal kōn silver, eo ej kōmanman im silver ko an Diena, ej bōk jab edik oņān jermal ñan ri jermal ro;
- [25] Ek kokweilōklōk er, im ri jermal ro āinwōt, im e ba, Lōma, kom jeļā bwe kōn jermal in jej bōk mweieid.
- [26] Im komij lo im roñ, bwe jab ilo Epesōs wōt, a ilo enañin aolepen Esia, Paul in e ar kareel im kajeor elōñ armeļ, im ba, men ko pā ko rej kōmanman An re jab anij:
- [27] Im e jab ad jermal wōt enañin jako; a barāinwōt tempel an Diena, anij eļap, e naaj men in jekdoņ, im e naaj buñ jān wōj eo an, eo aolepen Esia im laļ rej kabuñ ñan e.

- [28] Im ke rej roñjake men kein, rej obrak kōn illu, im rej lamōj, im ba, Eļap Diena an ri Epesōs.
- [29] Im aolepen jikin kwelōk eobrak kōn keroro: im ke emōj aer jibwe Geiōs im Aristarkōs, ro ri Masedonia, im rejro karwaan Paul, rej jimor tōr ñan ilowan imōn kuri.
- [30] Im ke Paul e kōñaan deļōñļok ñan armej raņ, ri kaļoor re jab kōtļok e.
- [31] Im jet iaan ro ri Esiark, ro jeran Paul, rej jelōkļok ñan e, im akweļap bwe en jab deļōñ ilowan imōn kuri.
- [32] Innām jet rej lamōj kōn juon naan, im jet āinjuon; bwe jar eo rej airuwaro; im elōñ iaer re jaje etke rej kweilōklōk.
- [33] Im jet rej kekaake Alexander jān jar eo, ri Ju ro rej iuunļok e. Im Alexander ej bōbrae kōn pein, im e kōñaan kajimwe an armej ļōmņak kōn e.
- [34] A ke rej kile bwe e ri Ju, er otemjej, ainikier wōt juon, iumwin ruo awa rej lamōj, Eļap Diena an ri Epesōs.
- [35] Im ke emōj an ri jeje kōkejekļokjeņ armej ro, e ba, Komeo, ri Epesōs, wōn armej eo e jaje kōjkan jikin kwelōk an ri Epesōs e ri lale tempel an Diena eļap, im men iņ e eo ear buñ jān Jupiter?
- [36] Innām, bwe ejjeļok armej ej maroñ in kōnono ñae men kein, emman komwin kejekļokjen, im jab kōmman jabdewōt e jāmōr.
- [37] Bwe kom ar āñintok armej rein, ro raar jab koņot jān tempel ko, im re jab kajjirere kake anij eo ami.
- [38] Innām eļañne Demetriōs, im ro ri jermal ippān, ewor men ko aer ñae jabdewōt armej, epelļok jikin ekajet ko, im ewor prokonsōl: emman ren kinaakļok doon.
- [39] A eļañne komij kajjitōk kōn men ko jet, naaj kajimwe ilo jaran ekajet eo.
- [40] Bwe je naaj uwōta bwe ren kajjitōk ipped kōn men in keroro raan iņ, bwe ejjeļok unin: im kōn e je naaj ban uwaak kōn jar iņ.
- [41] Im ke emōj an ba men kein, ej kōtļok jar eo.

JEPTA 20

- [Jr 20.1] Im ke emōj airuwaro iņ, Paul ej kūrtoke ro ri kaļoor, im kauwe er, im ej diwōj bwe en ilōk ñan Masedonia.
- [2] Im ke emōj an deblōk āne ko, im leļok ñan er elōñ naan in kauwe, ej itok ñan Gris.
- [3] Im ej pād ijo iumwin jilu allōñ. Im ke ri Ju ro rej nooj aer pepe ñae e, ke e nañin jerak ñan Siria, ej pepe bwe en jepļak im deblōk Masedonia.
- [4] Im Sopeter nejin Pirrōs, ri Beria, ej karwaan e ñan Esia; kab Aristarkōs im Sekōndōs iaan ri Tessalonika; kab Geiōs ri Derbe, im Timote; kab Tikikōs im Tropimōs iaan ri Esia.
- [5] A iriōñ re kar ilōk mokta im rej kattar kōm i Troas.
- [6] Im kōm jerak jān Pilippai ālikin raan ko raan in bred jab leven, im itok ñan ippaer i Troas ilo raan kein ka ļalem; kōm pād ijo iumwin jiljilimjuon raan.

- [7] Im ilo raan eo mokta ilo wiik, ke kōm kweiloklok kōn ruj bred, Paul ej kameleleik ñan er, e pojak bwe en ilok ilju: im ej kaitoklok an kwałok ñan lukkuun boñ.
- [8] Im elōñ ļaam i po eo, ijo kōm ar kweiloklok ie.
- [9] Im juon likao etan Eutikōs ej jijet ilo wūntō, im eļap an kiki: im ke eto an Paul kwałok ej kiki mitōñ, im buñ jān po eo kein ka jilu, im rej kotak e emej.
- [10] □Im Paul ej wanlałok im buñ ioon, im jiburlep e im ba, Komwin jab limō, bwe an mour ej ilo e.
- [11] Im ke ej bar wanlōñłok, im emōj an ruji bred, im mōñā, im eto an kōnono, ñan raantak, āindein an ilok.
- [12] Im rej āñintok likao emour, im jab edik aer mōñōñō.
- [13] Im kōm ar ilok mokta ioon wa, im jerak ñan Assos, am ļōmņak kōm naaj ektak Paul ijo; bwe āindein an likūte, im e make kōņaan etal i āne.
- [14] Im ke ej ioon kōm i Assos, kōm ektak e, im itok ñan Mitiline.
- [15] Im kōm jerak jān ijo, im itok ilju ikijien Kaiōs, im ilju kōm po i Semos; im ilju kōm itok ñan Mailitōs.
- [16] Bwe Paul e ar pepe enaaj jerak im kijoone Epesōs, bwe e jab kōņaan pād jet iien i Esia; bwe ej kijoovor, bwe eļañne ej maroñ, en pād i Jerusalem ilo raan in Pentekost.
- [17] Im jān Mailitōs ej jelōklok ñan Epesōs, im kūrtoke elder ro an eklejia.
- [18] Im ke rej itok ñan e, e ba ñan er, Komeo, kom jeļā jān raan eo mokta ke I ar itok ñan Esia, kōjkan aō pād ippemi iien otemjej.
- [19] Im jermal ñan Irooj ilo eļap ettā būruō, im kōn elōñ dānnin kōmjaala, im eñtaan ko, rej wałok ñan eō kōn an ri Ju ro kōjjaad eō,
- [20] Im ekōjkan I ar jab dāpij jān kom jabdewōt men in kakajooror, a I ar kwałok ñan kom, im katakin kom ilo bwilij, im jān mweo ñan mweo,
- [21] Im kōnnaan ñan ri Ju ro, im barāinwōt ñan ro ri Grik, ukełok ñan Anij, im tōmak ad Irooj Jijej Kūraj.
- [22] Im kiiō, lo, eļap kaiur eō bwe in ilok ñan Jerusalem, im I jaje men ko re naaj wałok ñan eō ijo:
- [23] Ijokwe Jetōb Kwōjarjar ej kōnnaan ñan eō ilo jikin kwelok otemjej, im ba tomede ko im eñtaan ko rej kattar eō.
- [24] A ij ļōmņak aō mour men in jekdoon im jab aorōk ippa, bwe in kañōjlok ial eo aō, im jermal eo I ar bōk jān Irooj Jijej, bwe in kōnnaan gospel an jouj in Anij.
- [25] Im kiiō, lo, I jeļā bwe kom otemjej, ro I ar etetal ippemi im kwałok aelōñ eo, kom jāmin bar lo meja.
- [26] Kōn men in ij kōnnaan ñan kom rainin, bwe ña I rreo jān bōtōktōkin armej otemjej.
- [27] Bwe I ar jab dāpij jabdewōt, im I ar kwałok ñan kom aolepen pepe an Anij.
- [28] Innām komwin kōjparok kom im lale aolepen bwij eo Jetōb Kwōjarjar e ar likūt kom ri kaki ilo e, bwe komwin najidik eklejia an Irooj, eo E ar wiaik kōn bōtōktōk eo An.

- [29] I jeļā bwe ālikin aō ilōk kidu oļip ko re kanooj lāj, re naaj deļoņ ippemi, im jab tūriamokake bwijin.
- [30] Barāinwōt jet iaami re naaj jutak, im kōnono men ko re ankeke, bwe ren kareel ro ri kaļoor ilōkair.
- [31] Kōn men in koṃwin ekil, im keememej, bwe iuṃwin jilu iiō, raan im boņ e ar jab ṃōj aō kauwe kom otemjej ilo dānnin kōmjaaļ ko.
- [32] Im kiiō, ij leļok kom ñan Anij, im ñan naan in jouj eo An, eo e maroņ in kalōk kom, im lewōj jolōt eo ñan kom ippān ro otemjej rokwojarjar.
- [33] Ejjeļok silver, ak kool, ak nuknuk an armej I ar ankwōnaki.
- [34] Aet, komeo, kom jeļā, bwe pā kā peiō raar jermal kōn aikuj ko aō, im kōn ro raar pād ippa.
- [35] Im I ar lewōj ñan kom joņan kōn men otemjej, kōjkan kōn ami jermal, āindein eṃṃan koṃwin jipaņ ro re ṃōjṃo, im keememej naan ko an Jijej, ekōjkan An ba, ṃōṃōṃō in leļok eļap jān bōk.
- [36] Im ke eṃōj an kōnono āindein, ej bukwelōlō im jar ippaer otemjej.
- [37] Im er otemjej eļap aer jaņ, im buņ ioon kōnwan Paul, im mejenmaike.
- [38] Im tūriamo eļap jān men otemjej kōn naan ko e ar kōnono, bwe re jāmin bar lo mejan. Im rej karwaan e ñan wa.

JEPTA 21

- [Jr 21.1] Im ke eṃōj am ilok jān er im jerak, kōm ar itok jimwe ñan Kos, im raan eo ilju ñan Rodes, im jān ijo ñan Petera:
- [2] Im ke kōm ar lo juon wa ej jerak ñan Pinisia, kōm uwe im jerak.
- [3] Im ke eṃōj am lo Saiprōs, kōm likūt e i anmiiņ, im jerak ñan Siria, im tōkeak i Tair: bwe ijo wa eo ej eakto an kobōp.
- [4] Im kōm lo ro ri kaļoor, im pād ijo iuṃwin jiljilimjuon raan; im re ba ñan Paul kōn Jetōb, bwe en jab wanlōñļok ñan Jerusalem.
- [5] Im ke e jemļok raan ko, kōm ar ilok im etal, im er otemjej kab ro pāleir im ro nejir rej karwaan kōm, ñan iien eo kōm ar ālikin jikin kwelok; im kōm bukwelōlō ioon kappe, im jar.
- [6] Im ke eṃōj am iokiokwe doon, kōmij bar uwe ioon wa, a rej bar jepļak ñan ṃo ko iṃweir.
- [7] Im ke eṃōj am jerak jān Tair, im tōkeak ñan Ptolmeis, kōm iokiokwe jemjein jemjaten, im pād ippaer iuṃwin juon raan.
- [8] Im raan eo ilju kōmij ilok, im itok ñan Seseria: im deļoņ ilowan iṃōn Pilip ri evanjel, eo iaan ro jiljilimjuon, im kōmij pād ippān.
- [9] Im emān jiroņ nejin armej in, ro bōjin, im rej ri kanij.
- [10] □Im ke kōm pād iju iuṃwin jet raan, juon ri kanaan, etan Agebōs, ej wanlaļtak jān Judia.
- [11] Im ke ej itok ñan ippem, ej bōk kaņūr eo an Paul, im ej make liāpe pein im nein, im ba, Jetōb Kwōjarjar e ba men in, E naaj āindein an ri Ju ro liāpe armej eo an kaņūr in, im re naaj ketak e ñan pein ro ri aelōñ ko.

- [12] Im ke kōm roñjake men kein, kōm, im kab ro rej pād ijo, akweļap ñan e bwe en jab wanlōñ]ok ñan Jerusalem.
- [13] Innām Paul e uwaak, Ta eo ami kōmman kōn ami jañ im bukwe būruō? bwe I pojak jab bwe ren liāpe eō wōt, a barāinwōt bwe in mej i Jerusalem kōn etan Irooj Jijej.
- [14] Im ke e jab kōṇaan pokake, kōm ar dāpij loñim, im ba, En pād wōt ankilaan Irooj.
- [15] Im ālikin raan ko kōm kotake men ko am, im wanlōñ]ok ñan Jerusalem.
- [16] Jet iaan ri kaļoor i Seseria rej karwaan kōm, im rej āñintok ippaer tok juon e ri kaļoor jān eto, etan Mnesōn ri Saiprōs, eo e naaj lale kōm.
- [17] Im ke kōm ar tōpar Jerusalem, jemjein jemjaten rej bōk kōm im lañlōñ.
- [18] Im raan eo ilju kōmiañ Paul kōm deļoñ ñan ippān Jemes; im elder otemjej rej ijo.
- [19] Im ke eṃōj an iokioṃwe er ej bwebwenato kōn men otemjej an Anij kōmanman ippān ri aelōñ ko kōn an jermal.
- [20] Im ke rej roñjake, rej nōbar Irooj, im ba ñan e, Jeim im jatim kwōj lo elōñ tōujin ri Ju ro rej tōmak; im er otemjej re kijejeto ñan kien:
- [21] Im raar roñ kōn eok, bwe kwōj katakin ri Ju otemjej ippān ri aelōñ ko bwe ren ilok jān Moses, im ba eṃman bwe ren jab mwijit ro nejir, im jab pokake manit ko.
- [22] Innām e naaj et? bwe eṃool re naaj roñ kōn aṃ itok.
- [23] Innām kwōn kōmanman men in kōmij ba ñan eok. Emān armej ippem, naan in muri ñan Anij ippaer;
- [24] Kwōn bōk iriōñ, im karreo eok ippaer, im kōllā oṃeamiōñ, bwe ren kwōdmat baraer; im er otemjej re naaj jeļā bwe men ko raar roñ kōn eok, re jab ṃool; a bwe kwe kwōj barāinwōt etal jṃwe wōt, im pokake kien.
- [25] A kōn ri aelōñ ro rej tōmak, kōm ar jejeļok im leļok am pepe bwe ren kōjparok er jān men in katok ñan ekjab ko, im jān bōtōktōk, im jān men ko re mej kōn kuul būrueir, im jān lōñ.
- [26] Innām Paul ej āñintok armej ro, im ilo raan eo ilju ej make karreo e ippaer im deļoñ ilowan tempel, bwe en kwaļok bwe ejejjet raan ko an karreo ñan iien eo naaj katok kōn men in katok kōn er otemjej.
- [27] Im ke jiljilimjuon raan ko re nañin jako, ri Ju ro ri Esia, ke rej lo e ilowan tempel, rej kejānene armej otemjej im likūt peir ioon,
- [28] Im lamōj, Armej in Israel, Koṃwin jipañ. Armej in eo ej katakin armej otemjej i āne otemjej im juṃae armej raṃ, im kien, im jikin in; im bar jet, e ar āñintok ro ri Grik ṃa ilowan tempel, im kananaik jikin kwōjarjar in.
- [29] Bwe ṃokta raar lo Tropimōs, ri Epesōs, ippān ilowan jikin kwelok, im raar lōmṃak Paul e ar āñintok e ilowan tempel.
- [30] Im aolepen jikin kwelok ej jourur, im armej rej tōr im jṃor kweiloklōk: im rej jibwe Paul, im kekaake e jān tempel: im eṃokaj aer kiil aor ko.
- [31] Im ke rej pukot bwe ren ṃan e, naan ej ilok ñan kapen eļap an jar an tariṃae, bwe aolepen Jerusalem e jourur:
- [32] Im eṃokaj an āñintok ro ri tariṃae im senturiōn ro, im tōrlaļ ñan er: im ke rej lo kapen eļap im ro ri tariṃae rej likūt aer deñļoke Paul.

- [33] Innām kapen eo eļap ej kepaake, im jibwe e, im jiroñ bwe ren liāpe kōn ruo tomede; im ej kajjitōk wōn e, im ta eo e ar kōmmane.
- [34] Im jet rej lamōj kōn juon, im jet āinjuon, iaan jar eo: im ke e ban kanooj jelā kake kōn aer keroro, e jiroñ bwe ren āñinļok e ɳa ilowan imōn bar.
- [35] Im ke ej pād ioon kein uwe ej āinwōt ro ri tariṅae rej kotake kōn an jar eo koḅaj e.
- [36] Bwe elōñ iaan jar eo rej ļoore, im lamōj, Joļok e.
- [37] Im ke re nañin kadeļoñ Paul ilowan imōn bar, e ba ñan kapen eo eļap, Emman ke in kōnono ñan eok? E ba, Kwō jelā ke kajjien Grik?
- [38] Kwō jab ri Ijijt eo raan ko mokta e ar kapata ippaer im āñinļok emān tɔujin armej ro ri uror ilo āne jemaden ke?
- [39] A Paul e ba, Ña ri Ju ļotak ilo Tarsōs, i Silisia, ri jikin kwelok e jab edik: im ij akweļap ñan eok, kwōn kōtļok eō bwe in kōnono ñan armej raṅ.
- [40] Im ke emōj an kōtļok e, Paul e jutak ioon kein uwe, im bōbrae kōn pein. Im ke eļap aer ikōñ, ej kōnono ñan er ilo kajin Hibru, im ba,

JEPTA 22

- [Jr 22.1] Armej, kom jeiō im jatiō, im ro jema, komwin karoñjake aō naan in kameļeļeik ij kwaļok ñan kom kiiō.
- [2] Im ke rej roñ bwe ej kōnono ñan er ilo kajin Hibru, eļapļok aer karoñļokjeṅ; im ej ba,
- [3] Ña ri Ju, ļotak ilo Tarsōs, jikin kwelok i Silisia, a I ar katak ilo jikin kwelok in iturin neen Gameliel, ar katakin eō jimwewōt kōn kien ro jimmad, im I ar kijejeto ñan Anij, āinwōt kom otemjej rainin.
- [4] Im I ar matōrtōr Ial in ñan mej, ij liāpe im ketak maan ro im kōrā ro ñan ilowan prisōn ko.
- [5] Im barāinwōt pris eo eļap ej kōnnaan kōn eō, kab elder ro otemjej: jān er I ar barāinwōt bōk lōta ko ñan jemjein jemjaten, im ilok ñan Damaskōs, bwe in āñintok ro ar liāpe er ñan Jerusalem, bwe ren maan er.
- [6] Im ke I ar ilok ie ļok, im kepaak Damaskōs, enañin perioļap, emōkaj an juon meram eļap romaak jān lañ ituriō.
- [7] Im ij buñ ioon bwidej, im ij roñ ainikien ej ba ñan eō, Saul, Saul, etke kwōj matōrtōr eō?
- [8] Im I ar uwaak, Irooj, wōn Kwe? Im E ba ñan eō, Ña e Jijej ri Nazeret, eo kwōj matōrtōre.
- [9] Im ro raar pād ippa, raar lo meram eo, im rej lōļñoñ; a re jab roñ ainikien Eo e ar kōnono ñan eō.
- [10] □Im I ar ba, Irooj, ta eo in kōmanmane? Im Irooj e ba ñan eō, Kwōn jerkak, im ilok Damaskōs; im ijo naaj kōnnaanōk eok men ko otemjej likūt ñan eok bwe kwōn kōmanman.

- [11] Im ke I ban loļokjeņ kōn wōj in meram eo, ro raar pād ippa rej tōl eō kōn peir, im ij itok ñan Damaskōs.
- [12] Im juon Anenaiōs, emman mwilin kōn kien, im ri Ju otemjej rej jokwe ijo rej nōbar e,
- [13] Ej itok ñan ippa, im jutak ituriō, im ba ñan eō, Jatiō Saul, kwōn loļokjeņ. Im ilo awa eo ij reiļok ñan e.
- [14] Im e ba, Anij an ro jimmad E ar likūt eok bwe kwōn jeļā ankilaan, im lo Eo Ekwōjarjar, im roņjake ainikien jān loņin.
- [15] Bwe kwō naaj An ri kōnnaan ñan armej otemjej kōn men ko kwaar loi im roņjake.
- [16] Im kiiō etke kwōj ruņwij: kwōn jerkak, im peptaij, im kwaļiļok jerowiji ko aņ, im kabuñ kōn Etan.
- [17] Im ke I ar jepļaaktok ñan Jerusalem, im ke I ar jar ilowan tempel, ij pād ilo trans,
- [18] Im ij lo An ba ñan eō, Kwōn kijooror im mōkajļok jān Jerusalem bwe re jāmin bōk aņ kōnnaan kōn Eō.
- [19] Im ij ba, Irooj re jeļā bwe I ar prisōn im deņļoke ilowan imōn kweilok otemjej ro rej lōke Eok:
- [20] Im ke raar lutōk daan ri kōnnaan eo Aņ, Stipen, I ar jutak ijo, im bōk ñan būrueir, im lale nuknuk ko an ro raar man e.
- [21] Im E ba ñan eō, Kwōn ilok: bwe I naaj jilkinļok eok etoļok ñan ro ri aelōñ.
- [22] Im rej roņjake maē naan in, innām rej koutiej ainikier, im ba, En jako ļeiņ jān laļ; bwe e jab emman bwe en mour.
- [23] Im ke rej lamōj, im julok nuknuk ko aer, im julōñļok bwidej,
- [24] Kapen eo eļap e jiroñ bwe ren āñintok e ña ilowan imōn bar, im ba bwe ren kajitūkini e kōn deņļok; bwe en jeļā etke eļap aer lamōj im āinwōt ñae e.
- [25] Im ke emōj aer lukwōj e kōn kilin kidu ko, Paul e ba ñan senturiōn eo e jutak ijo, Emālim ke ami deņļok juon armej, ri Rom, im jañin liaakļok e?
- [26] Ke senturiōn ej roņjake men in, ej ilok im kōnnaanōk kapen eo eļap, im ba, Ta eo kwō nañin kōmmane? bwe armej in ri Rom.
- [27] Innām kapen eo eļap ej itok, im ba ñan e, Kwōn kōnnaanōk eō, bwe ri Rom ke? E ba, Aet.
- [28] Im kapen eļap e uwaak e, Kōn eļap oņān I ar bōk bwe in ri Rom. Im Paul e ba, A ña ij ļotak im āindein.
- [29] Innām emōkaj an ro re nañin kajitūkini e ilok jān e; barāinwōt kapen eļap e mijak, ālikin an jeļā bwe e ri Rom, im bwe e ar lukwōj e.
- [30] Ke ilju, bwe e kōņaan kanooj jeļā etke ri Ju ro raar kinaakļok e, ej kōtļok e, im jiroñ pris ro reļap im ri pepe otemjej bwe ren kweilokļok, im ej āñinlaļ Paul, im kajutak e iņaer.

JEPTA 23

- [Jr 23.1] Im Paul ej kallimjeke ri pepe raņ, im ba, Komeo, jeiō im jatiō, I ar pād im kōmman ilo aō bōklōkōt emman wōt iņaan Anij ñan rainin.
- [2] Im Anenaiōs, pris eo eļap, e jiroñ ro rej jutak iturin bwe ren ubrare loņin.

- [3] Innām Paul e ba ñan e, Anij e naaj ubrare eok, kwō wōrwōr emouj: im kwōj jijet im ekajete eō kōn kien, im jiroñ bwe ren ubrar eō jab ekkar ñan kien ke?
- [4] Im ro rej jutak iturin re ba, Kwōj kajjirere kake pris eo eļap an Anij ke?
- [5] Innām Paul e ba, Kom jeiō im jatiō, I ar jaje bwe e pris eo eļap: bwe ar jeje, Kwōn jab kōnono enana kōn irooj eo an ri aelōñ ro aṃ.
- [6] A ke Paul ej kile bwe jet ri Saddusi, im jet ri Parisi, ej lamōj ilo pepe eo, Kom jeiō im jatiō, ña ri Parisi, nejin ri Parisi: rej kajitūkun eō kōn kōjatdikdik im jerkakpeje an ro remej.
- [7] Im ke emōj an Paul ba āindein, juon akwāāl e waļok ippān Parisi ro im Saddusi ro: im jar eo ejepel.
- [8] Bwe Saddusi ro re ba, ejjelok jerkakpeje, im ejjelok enjel ak jetōb: a Parisi ro rej kwaļok men kein ruo.
- [9] Im juon keroro eļap e waļok, im skraib ro iaan Parisi ro re jutak, im akwāāl, im ba, Kōm jab lo nana ippān armej iṃ: a ta eo eļañne juon Jetōb ak juon enjel e ar kōnono ñan e?
- [10] □Im ke eļap akwāāl, kapen eļap, e mijak kōn aer naaj kōkkure Paul, im e jiroñ ri tariṃae bwe ren wanla, im bōk e jān er kōn kajoor, im āñintok e ṇa ilowan iṃōn bar.
- [11] Im boñin eo tokālik, Irooj e jutak ippān im ba, Paul, kwōn peran: bwe āinwōt kwaar kōnnaan kōn Eō i Jerusalem, āindein barāinwōt kwō naaj kōnnaan ilo Rom.
- [12] Im ke e raantak, jet iaan ri Ju rej koba, im make liāpe er kōn juon kanejnej, im ba re jāmin mōñā ak daak ñan ālikin aer ṃan Paul.
- [13] Im elōñ jān eñoul rej koba ilo naan in kanejnej iṃ.
- [14] Im rej itok ñan pris ro reļap im elder ro, im ba, Kōm ar make liāpe kōm kōn juon kanejnej eļap, bwe kōm jāmin edjoñ jabdewōt ñan iien eo kōm naaj ṃan Paul.
- [15] Innām kiiō, kom kab ri pepe, komwin ba ñan kapen eļap, bwe en āñinlaṭtak e ñan kom āinwōt bwe kom kōṇaan bar kajitūkun e eļap jān ṃokta: a kōm ñe ej epaak, kōmij pojak bwe kōṃin ṃan e.
- [16] Im ke mañden Paul ej roñ kōn aer kōjjaad e, ej ilok im deļoñ ilowan iṃōn bar im kōnnaanōk Paul.
- [17] Im Paul ej kūrtoṃ juon iaan senturiōn ro ñan e im ba, Kwōn āñinlok likao iṃ ñan kapen eļap; bwe ewor naan ippān e kōṇaan kōnnaanōk e.
- [18] Innām ej bōk e, im āñinlok e ñan kapen eļap, im ba, Paul, ri prisōn, e ar kūrtoṃ eō, im akweļap ñan eō bwe in āñinwōj likao iṃ ñan kwe, bwe ewor naan ippān e kōṇaan kōnono ñan eok.
- [19] Innām kapen eļap ej kabwijere pein, im make ilok ippān lok, im kajjitōk, Ta eo kwō kōṇaan kōnnaanōk eō?
- [20] Im e ba, Ri Ju ro būrueir wōt juon kōn aer akweļap ñan eok bwe kwōn āñinlaṭtak Paul raan eo ilju ilo pepe eo, āinwōt bwe re kōṇaan bar kajitūkun e eļap jān ṃokta.

- [21] Innām kwōn jab pokake er: bwe elōñ jān eñoul armej iaer rej kōjjaad e, im raar make liāpe er kōn juon kanejnej eļap, bwe re jāmin mōñā ak idaak ñan ālikin iien eo re naaj man e: im kiiō re pojak, im kattar juon naan in kallimur jān eok.
- [22] Innām kapen eļap ej kōtļok likao eo, im jiroñe, Kwōn jab kōnnaanōk jabdewōt armej kōn aṃ kwaļok men kein ñan eō.
- [23] Im ej kūrtoḱ ruo iaan senturiōn ro, im ba, Kapoj rūbukwi ri tariṃae bwe ren ilok ñan Seseria, im jiljilimjuonñoul ro rej uwe ioon hors, im rūbukwi ro rej bōk maḱe, ñe kein ka ruwatimjuon awa ilo boñ;
- [24] Im kapojak kidu ko, bwe ren kajijet Paul ioer, im āñinļoke im oṃaake ñan Filix irooj.
- [25] Im ej jeje lōta āinwōt iṃ:
- [26] Klaudiōs Lisiōs ñan Filix, irooj eṃman potata, Iokwe eok.
- [27] Ri Ju ro rar jibwe armej iṃ im re nañin man e: innām ij itok kōn jaran tariṃae, im lōmṃoren e, bwe I ar roñ bwe e ri Rom.
- [28] Im ke I kōṃaan jeļā men eo raar kinaakļok e kake, I ar āñinļok e ñan aer pepe:
- [29] Im ij lo bwe rej kinaakļok e kōn kajjitōk ko ilo kieir, a ejjeļok ruōn bwe in man ak liāpe.
- [30] Im ke eṃōj kōnnaanōk eō kōjkan ri Ju ro kōjjaad armej iṃ, eṃōkaj aō jilkinwōj e ñan eok im barāinwōt jiroñ ro ri kinaakļok bwe ren ba ṃae e iṃaan mejōṃ.
- [31] Innām ri tariṃae, āinwōt ar jiroñ er, rej bōk Paul, im āñinļok e ilo boñ ñan Antipetris.
- [32] A ke ilju rej likūt ro rej uwe ioon hors bwe ren ilok ippān ļok, a rej jeṃlaak ñan iṃōn bar:
- [33] Ke rej itok ñan Seseria, rej leļok lōta eo ñan irooj, rej barāinwōt leļok Paul ñan e.
- [34] Im ke eṃōj an irooj kōnono ilo lōta iṃ, ej kajjitōk āne oṱ eo ej jān e. Im ke e jeļā bwe e ri Silisia;
- [35] E ba, I naaj roñ men ko jet kōn eok, ñe ri kinaakļok eok rej barāinwōt itok. Im e jiroñ bwe ren lale e ilowan iṃōn Herod.

JEPTA 24

- [Jr 24.1] Im ālikin ļalem raan, Anenaiōs pris eo eļap ej wanlaļtak kab jet iaan elder ro, im juon eṃman e wājepdik etan Tertōlliōs, im rej kinaakļok Paul ñan irooj eo.
- [2] Im ke eṃōj aer kūrtoḱ e, Tertōlliōs e jino an kinaakļok e, im ba, Bwe kōn eok eļap aenōṃman ej ippem, im kōn aṃ lale ṃokta kwōj kajimwe nana ko ñan aelōñ iṃ,
- [3] Kōmij bōk men iṃ iien otemjej, im ijo ko otemjej O Filix eṃman potata, kōn kaṃṃoolol otemjej.
- [4] A bwe in jab kaṃōk eok kōn bar jet, ij akweļap ñan eok bwe, ilo aṃ jouj, kwōn roñjake e iiet amwōj naan.
- [5] Bwe kōm ar lo armej iṃ e ri nana, im e ri poktaki pata ippān ri Ju ro otemjej i aolepen laļ, im e ri tōl eļap ilo jar an ri Nazerin.
- [6] Barāinwōt ej kajjioñ bwe en kananaik tempel eo: im kōm ar jibwe;

- [8] Jān eo, kōn aṃ kajitūkun e, kwō naaj maroñ in jeļā men kein otemjej, kōm kinaakļok e kake.
- [9] Im ri Ju rej bōk ñan būruen, im ba, āindein men kein otemjej.
- [10] □Im ke eṃōj an irooj romeje bwe en kōnono, Paul ej uwaak, Bwe ij jeļā kōn aṃ irooj in ekajet ñan ri aelōñ in iuṃwin elōñ iiō, eļap aō lañlōñ im uwaak kōn eō make:
- [11] Bwe kwō maroñ in jeļā bwe e jab elōñ jān joñoul im ruo raan jān iien eo I ar wanlōñļok ñan Jerusalem bwe in kabuñ.
- [12] Im raar jab lo eō ilowan tempel im akwāāl ippān jabdewōt armej ak poktaki jar eo, jab ilowan iṃōn kweilok ko, jab ilo jikin kwelok;
- [13] Im re jab maroñ in kaṃool ñan kwe men kein rej kinaakļok eō kaki kiiō.
- [14] A ij kwaļok men in ñan eok, bwe ilo Ial eo re ba ebōd, āindein ij kabuñ ñan Anij an ro jimṃa, im tōmak men otemjej ekkar ñan kien ak jeje ilo ri kanaan ro:
- [15] Im ij kōjatdikdik eō ilo Anij kōn men in, im barāinwōt er rej kōtmāne, bwe ro reṃṃan im ro renana renaaj jerkakpeje.
- [16] Im ilo men in ña ij barāinwōt kajjioñ bwe en aō bōklōkōt eṃṃan im ejjeļok ṃotaan ñan Anij im ñan armej iien otemjej.
- [17] Kiiō ālikin jet iiō I ar itok bwe in bōktok ṃweiiien tūriaṃo ñan ri aelōñ eo aō, im men in joortak.
- [18] Ilo men kein jet ri Ju jān Esia raar lo eō I rreo ilowan tempel, jab ippān jar, jab ilo iruj:
- [19] Im eṃṃan ren pād ijin iṃaan mejōṃ, im kinaakļok, eļañne re jeļā jabdewōt ṃotaō.
- [20] Ak, rein rej pād ijin, eṃṃan ren ba, kōṃṃan oṭ e nana rej lo, ke I ar jutak iṃaan mejan pepe eo.
- [21] Eļañne jab kōn ainikiō in wōt, ke I ar jutak ioļapeir im laṃōj, Kōn jerkakpeje an ro remej rej kajitūkun eō iṃaan mejemi rainin.
- [22] A Filix, bwe eļapļok an jeļā kajjien Ial eo, ej bōbrae er, im ba, Ñe Lisiōs, kapen eļap, ej wanlaļtak, I naaj pepe kōn men ko ami.
- [23] Im ej jiroñ senturiōn eo bwe en baar Paul, im kwaļok jouj ñan e, im jab bōbrae ro jeran ñe rej jermal ñan e.
- [24] Im ālikin jet raan, Filix kab lio pāleen Drusilla, eo ri Ju, rejro itok, im ej jilōkļok ñan Paul bwe en itok, im roñ jān e kōn tōmak Kūraij Jijej.
- [25] Im ke ej kameļeļeik kōn kwōjarjar, im jatōr, im ekajet eo ej itok, Filix e lōļñoñ im uwaak, Kwōn ilok kiiō; ñe juon iien eṃṃan ippa, I naaj kūrtokeok.
- [26] Im barāinwōt ej kōtmāne bwe Paul enaaj leļok ṃAn ñan e. Kōn men in ej jilōkļok ñan e elōñ ļok alen, im kōṃṃao ippān.
- [27] A ke ruo iiō e jeṃļok Porsiōs Festōs ej pinej jenkwān Filix; im Filix ej likūt Paul im lukwōje, bwe e kōṃṃan kabuñbūruen ri Ju ro.

- [Jr 25.1] Innām ke Festōs ej itok ilo āne eo, ālikin jilu raan, ej wanlōñlōk jān Seseria ñan Jerusalem.
- [2] Innām pris eo eļap, im leātōktōk an ri Ju ro rej kinaaklōk Paul ñan e, im akweļap ñan e,
- [3] Im kōñaan men in jouj ñae e, bwe en jilōklōk ñan e bwe en itok ñan Jerusalem, im rej ñooj aer pepe bwe ren man e ilo ial.
- [4] A Festōs e uwaak bwe rej baar Paul i Seseria, im e make nañin ilok ñan ijo mōkaj.
- [5] Innām, e ba, Eṃman ro iaami rej maroñ, ren wanlaļlōk ippa, im kinaaklōk armej in, eļañne ewor nana ippān.
- [6] Im ke eṃōj an pād ippaer jab elōñ jān ruwalitōk ak joñoul raan, ej wanlaļlōk ñan Seseria; im raan eo ilju ej jijet ioon jikin ekajet, im ej jiroñ bwe ren āñintok Paul.
- [7] Im ke emoottok, ri Ju ro, raar wanlaļtak jān Jerusalem, rej jutak im kōpooļ e, im rej bōktok elōñ im repen naan in kinaaklōk Paul, men ko re jab maroñ in kaṃooli;
- [8] Ke Paul ej uwaak kōn e make, im ba, I ar jab kōmanman jidik wōt e nana ñae kien ri Ju ro, jab ñae tempel, jab ñae Sizar.
- [9] A Festōs, ke e kōñaan kabuñbūruen ri Ju ro, e uwaak Paul, im ba, Kwō kōñaan wanlōñlōk ñan Jerusalem, im ekajet eok ijo kōn men kein iṃaō ke?
- [10] □Innām Paul e ba, Ij jutak i jikin ekajet an Sizar, ijo eṃman ekajet eō; ejjelōk nana I ar kōmman ñae ri Ju ro, im āindein aṃ barāinwōt kanooj jelā kake.
- [11] Bwe eļañne ña juon e nana, ak ewor ruō bwe in mej, I jab kajjitōk bwe in mour; a eļañne ejjelōk juon iaan men kein eṃool, men ko rej kinaaklōk eō kaki, ejjelōk armej ej maroñ in ketak eō ñan er. Sizar en ri ekajet eō.
- [12] Innām ke eṃōj an Festōs pepe ippān ro ri ekajet, e uwaak, Kwōj ba ke Sizar en ekajet eok? kwō naaj ilok ñan Sizar.
- [13] Im ālikin jet raan, kiñ Agrippa im Bernis rejro itok ñan Seseria, im iōkiōkwe Festōs.
- [14] Im ke raar pād ijo iuṃwin elōñ raan, Festōs ej kwaļlōk men ko an Paul ñan kiñ eo, im ba, Filix e ar likūt juon armej ri prisōn;
- [15] Eo ke I ar pād i Jerusalem, pris ro reļap im elder ro an ri Ju raar kōnnaanōk eō kake, im re kōñaan naan in liaaklōk ñae e.
- [16] I ar uwaak er, E jab manit an ri Rom bwe ren ketak jabdewōt armej, mōkta jān e im ri kinaaklōk rej kweilōklōk jelmae doon, im likūt e bwe en uwaak er kōn men eo enana raar kinaaklōk e kake.
- [17] Innām ke raar kweilōktok ijin, e jab ruṃwij aō jijet raan eo ilju ioon jikin ekajet, im jiroñ bwe ren āñintok armej eo.
- [18] Ke ri kinaaklōk rej jutak, re jab bōktok naan in kinaaklōk kōn men ko re nana I ar lōmṃak kaki:
- [19] A ewor aer naan in kajitūkun e kōn aer kabuñ wōt, im kōn juon Jijej eo e mej, a Paul e ba E mour.
- [20] Im bwe I ar jaje ekōjkan in kajjitōk kōn men kein, I ar ba, Eṃman ke kwōn ilok ñan Jerusalem im ekajet eok kōn men kein, ak jab?

- [21] A ke Paul e ar ba bwe en pād wōt ñan ekajet eo an Augōstōs, I ar jiroñ bwe ren kōjparok e ñan iien eo I naaj jilkinlōk e ñan Sizar.
- [22] Innām Agrippa e ba ñan Festōs, Barāinwōt ña Ij kōñaan roñ armej iñ. E ba, Ilju kwō naaj roñjake.
- [23] Im ilju ke eṃōj an Agrippa itok im Bernis kōn eḷap wōj, im rej deḷoñ ilowan jikin roñjake, ippān kapen ro reḷap, im jeātōktōk ro an jikin kwelōk eo, Festōs e jiroñ bwe ren āñintok Paul.
- [24] Im Festōs e ba, Kiñ Agrippa, im armej otemjej ijin ippem, komij lo armej iñ, kōn e aolepen jar an ri Ju ro rej kajjitōk ippa i Jerusalem, im ijin, im laṃōj e jab eṃṃan bwe en pād im mour ñan jidik.
- [25] A ke I ar lo ejjeḷōk nana e kar kōṃṃan bwe en mej, im e ar make ba bwe Augōstōs en ekajete, I ar pepe bwe in jilkinlōk e.
- [26] Ejjeḷōk men eo e ṃool ippa bwe in jejeḷōk ñan aō irooj kōn e. Kōn men iñ ij āñintok e iṃaami, im eḷaptata iṃaam, O kiñ Agrippa, bwe ñe eṃōj kajitūkun e, en wor men ko ippa bwe in jeje.
- [27] Bwe ij ḷōmṃak, e jab eṃṃan bwe in jilkinlōk juon ri prisōn, im jab kwaḷōk men ko ar kinaaklōk e kaki.

JEPTA 26

- [Jr 26.1] Innām Agrippa e ba ñan Paul, E mālim bwe kwōn make kōnono kōn eok. Innām Paul ej erlōke pein im uwaak kōn e:
- [2] E buñbūruō, Kiñ Agrippa, bwe ij uwaak rainin kōn eō ñan eok kōn men ko otemjej, ri Ju ro raar kinaaklōk eō kaki:
- [3] Eḷaptata bwe I jeḷā eḷap aṃ māḷōtlōt kōn ṃanit otemjej, im naan in kajjitōk ko ippān ri Ju ro: kōn men iñ ij akweḷap ñan eok bwe kwōn jab kiril kōn aṃ roñjake eō.
- [4] Aō pād im kōṃṃan jān ke I ar inono, raar ippān ri aelōñ eo aō jān jinoin i Jerusalem, im ri Ju ro otemjej re jeḷā kajjieir;
- [5] Ro raar jeḷā ña jān jinoin, eḷaññe re kōñaan kōnnaan, bwe ij mour ri Parisi an jar epen otem pen ilo amwōj kabuñ.
- [6] Im kiiō ij jutak bwe ren ekajet eō kōn kōjatdikdik in kallimur eo Anij e ar leḷōk ñan ro jimṃam;
- [7] Joñoul im ruo am bwijin, ke eḷap aer jermal ñan Anij boñ im raan, rej katmāne bwe re naaj tōprak kallimur eo. Kōn kōjatdikdik iñ, O kiñ Agrippa, ri Ju rej kinaaklōk eō.
- [8] Etke men in eḷap jān aṃ maroñ im tōmak e, eḷaññe Anij ej kakerkakpeje ro remej?
- [9] Eṃool I ar ḷōmṃak ippa, eṃṃan in kōṃṃan elōñ men ko ṃae etan Jijej ri Nazaret.
- [10] □Aet, I ar kōṃṃan āindein i Jerusalem: im elōñ iaan ro reṃṃan I ar kiil er ṃa ilowan prisōn, kōn naan I ar bōki jān pris ro reḷap: im ke ar ṃan er, I ar koutiej ainikiō ṃae er.

- [11] Im elõñ alen I ar kòkkure er ilowan imõn kweilòk otemjej, im kareel er bwe ren blaspim: im bwe e kanooj eļap aõ wūdeakeak ɳae er, I ar matòrtòr er ñan jikin kwelòk ko an ro ruwa.
- [12] Ilo men kein, ke I ar ilòk ñan Damaskòs kòn naan im jeje jån pris ro reļap,
- [13] Ke pādiolap, O kiñ, I ar lo ilo ial meram jån lañ, eļap an jatòltòl jån aļ, ej romaak ituriõ im ro raar etal ippa ļok.
- [14] Im ke kòm otemjej ar buñ ioon laļ, I ar roñ juon ainikien ej kònono ñan eõ, im ba ilo kajin Hibru, Saul, Saul, etke kwõj matòrtòr Eõ? e nana aṃ kaitaak niom ilo men ko re kañ.
- [15] Im ij ba, Irooj wõn Kwe? Im E ba, Ña Jijej eo kwõj matòrtòr E.
- [16] A kwõn jerkak, im jutak kòn niom: bwe Ij weaaktok ñan eok kòn men in, bwe In likūt eok ri kaki im ri kònnaan kòn men kein kwaar loi, im kòn men ko I naaj weaaktok ñan eok kaki:
- [17] Im kòtļok eok jån armej ro, im jån ri aelõñ ko, Ij jilkinļok eok ñan er,
- [18] Bwe kwõn kapellok mejeir, bwe ren oktak jån marok ñan meram, im jån kajoor an Setan ñan Anij, bwe ren bõk juurļok jerowiwu ko, im aer jolõt ippån ro remṃan kòn aer lõke Ña.
- [19] Kòn men in, O kiñ Agrippa, I ar jab kipiliia ñan visiõn eo jån lañ.
- [20] A I ar kwaļok mokta ñan ro i Damaskòs, im i Jerusalem, im ilo aolepen āne Judia, im ñan ri aelõñ ko, bwe ren ukeļok ippaer im oktak ñan Anij, im kōmṃan jermal ko rekkaar ñan ukeļok.
- [21] Kòn men kein, ru Ju ro, ke raar lo eõ ilowan tempel, rej kajjioñ bwe ren ṃan eõ.
- [22] Innām, kòn aõ bõk jipañ jån Anij, ij jutak ñan rainin, im kònnaan ñan ro redik im ro reļap, im ba men ko wõt ri kanaan ro im Moses raar ba e naaj itok;
- [23] Ekõjkan Kūraij e naaj eñtaan, im E, kòn jerkakpeje an ro re mej, naaj kwaļok meram ñan armej ro, im ñan ri aelõñ ko.
- [24] Im ke ej kònono āindein kòn e, Festòs e ba, im eļap ainikien, Paul, kwõj wūdeakeak; aṃ mālõtłõt eļap ej ukõt eok ña wūdeakeak.
- [25] A Paul ej ba, I jab wūdeakeak, O Festòs emṃan potata; a ij kwaļok naan ko re ṃool im ko re jimwe.
- [26] Bwe kiñ ɳe e jeļā men kein, ñan eo ij barāinwõt wūjlep im kònono; bwe ij ļõmṃak ejjeļok iaan men kein ettino jån e: bwe men in ar jab kōmṃane ilo ettino.
- [27] Kiñ Agrippa, kwõj tōmak ro ri kanaan ke? I jeļā kwõj tōmak.
- [28] Innām Agrippa e ba ñan Paul, Ilo jidik, kwõj kareel eõ bwe in ri Kūrjin.
- [29] Im Paul e ba, Ij jar im kajjitøk ippån Anij, bwe jab kwe wõt, a barāinwõt er otemjej rej roñjakiõ rainin, kom nañin āinwõt, kab e kanooj āinwõt ña, eļaññe ejako tomede kein.
- [30] Im kiñ eo e jutak, im irooj eo, im Bernis, im ro rej jijet ippaer.
- [31] Im ke rej lālòk jån e, rej kònono ippån doon, im ba, Ejjeļok an armej in kōmṃan ekkaar ñan mej ak liāpe.
- [32] Innām Agrippa e ba ñan Festòs, Kwõ naaj kar maroñ in kòtļok armej in, eļaññe e ar jab ba En ekajet eõ Sizar.

JERBAL 27

- [Jr 27.1] Im ke emōj pepe bwe kōmin jerak ñan Itali, rej leļok Paul im bar jet ri prisōn ñan juon etan Juliōs, senturiōn an jar an Augōstōs.
- [2] Im kōm ar uwe ioon juon waan Adramitiōm, eo en tōļļok ñan āne ko i kappe in Esia, im jerak, Aristarkōs ri Masedonia jān Tessalonika ej uwe ippem.
- [3] Im raan eo ilju kōm po i Saidon. Im Juliōs ej kōmanman jouj ñan Paul, im kōtļok e bwe en ilok ñan ro jeran im kakkije ippaer.
- [4] Im ke emōj am jerak jān ijo, kōm tōļļok ñan jebalur in Saiprōs, bwe enana kōto.
- [5] Im ke emōj am jerak ioon lojet eo ikijjien Silisia im Pampilia, kōm itok ñan Maira, jikin kwelok an Lisia.
- [6] Im ijo senturiōn ej lo juon waan Alexandria e jerak ñan Itali: im ej ektak kōm ña ioon.
- [7] Im ke e ruṃwij am tōļļok elōñ raan, im nañin ban itok ikijjien Naidōs, bwe e nana kōto, kōm ar tōļļok ñan jebalur in Krit ikijjien Salmone:
- [8] Im ke e pen am jerak iturin, kōm itok ñan juon jikin etan Łaam Emman: epaake juon jikin kwelok etan Lasia.
- [9] Im ke eļap iien emootļok, im enana iien jerakrak, bwe emootļok iien jitlok, Paul ej kauwe er,
- [10] □Im ba ñan er, Lōma, I jeļā bwe jerak iṅ e naaj nana im elōñ jako, jab kōn kobōp wōt im wa, a barāinwōt kōn an armej mour.
- [11] A senturiōn ej eṇoñ kapen im armej eo waan wa eo, eļap jān men ko Paul e ar kōnono kaki.
- [12] Im bwe lam eo e jab emman kōn pād ie ilo añōneañ, elōñ rej pepe bwe ren jerak jān ijo, eļaññe re maroñ in tōpar Pinix, im pād ijo iumwin añōneañ: lam eo i Krit ej jitōñ eañ im reear kab rōk im reear.
- [13] Im ke edik kōto itok irōk, rej ļomṅak bwe raar bōk aer kōṅaan, im rej tōbwe añkō im jerak epaake Krit.
- [14] A e jab eto, im juon kōto eļap, etan Eurakwilo, e buñ ioon jān e.
- [15] Im ke ej let wa, im e jab maroñ in jerak ñan kōto, kōm ar likūte im peļok wōt.
- [16] Im ke kōm ilok ñan jebalur in juon aelōñ, etan Klauda, eļap am jebal kōn ektak booj eo.
- [17] Ke emōj aer ektak e, rej kōmanman men in jipañ ko, im ṃadṃōde wa; im bwe re mijak bwe renaaj itaak ilo bōk etan Sirtis, rej doore kein kōmman wōļļā ko, im āindein peļok.
- [18] Im ke ekanooj eļap am jeplōklōk kōn lañ eo, raan eo ilju rej jino aer eakpel jān wa;
- [19] Im raan eo kein ka jilu raar joļok kōn peir men ko ṃweiiien wa.
- [20] Im ke iumwin elōñ raan, aļ im iju ko rejako, im e jab edik lañ iom, kōtmāne otemjej bwe kōm naaj mour ejako.
- [21] A ālikin an eto aer jitlok, Paul e jutak ioļapir, im ba, Lōma, emman eļaññe kom ar pokake eō, im jab jerak jān Krit, im bōk nana iṅ im men ko re jako.

- [22] Im kiiō ij kauwe kom bwe komwin peran: bwe e jāmin jako juon mour iaami, a wa wōt.
- [23] Bwe ilo boñ e jutak ɲa ippa juon enjeļ in Anij, Eo ña An, im Eo ij jermal ñan E,
- [24] Im e ba, Paul, kwōn jab mijak; kwō naaj jutak iᵐaan mejan Sizar: im lo, Anij e ar lewōj ñan eok er otemjej rej jerak ippaᵐ.
- [25] Kōn men iᵐ, Lōᵐa, komwin peran; bwe ij lōke Anij, bwe e naaj waļok āinwōt ar ba ñan eō.
- [26] A je naaj itaak ilo juon aelōñ.
- [27] A ilo kein ka joñoul im emān boñ, ke kōm peto-petak ilo loᵐaļo Edria, enañin lukkun boñ ri jermal i wa rej ļōmᵐak bwe rej kepaak juon āne:
- [28] Im rej joñe ɲa bōken, im jeļā roñoul ñeñen: im ke rej ilok jidik, rej bar joñe ɲa bōken, im jeļā joñoul im ļalem ñeñen.
- [29] Innām re mijak bwe bōlen re naaj itaak ilo dekā, rej joļok emān koliklik jān lōkōn wa, im kōᵐaan en raantak.
- [30] Im ke ri jermal i wa re nañin to jān wa, ke eᵐōj aer doorlaļ booj ñan lojet, āinwōt bwe re kōᵐaan joļok koliklik ko jān ᵐaan wa,
- [31] Paul e ba ñan senturiōn im ñan ri tariᵐae, Eļaññe rein re jab pād iowaan wa, kom jāmin mour.
- [32] Innām ri tariᵐae rej bukwe to ko an booj, im kōtļok bwe en peļok.
- [33] Im ke enañin raantak, Paul ej akweļap ñan er otemjej bwe ren ᵐōñā, im ba, Rainin raan eo kein ka joñoul im emān kom kattari im pād ilo jitlok, im jab bōk kijemi.
- [34] Kōn men iᵐ ij akweļap ñan kom bwe komwin bōk kijemi; bwe men iᵐ ñan ami mour: bwe e janim jako juon kooļan bar jān jabdewōt iaami.
- [35] Im ke eᵐōj an kōnono āindein, ej bōk bred im jar ñan Anij iᵐaer otemjej: im ke eᵐōj an ruji, e jino an ᵐōñā.
- [36] Innām er otemjej rej peran, im rej barāinwōt bōk kijeir.
- [37] Im kōm otemjej i wa eo, rūbukwi jiljilimjuonñoul im jiljino armej.
- [38] Im ke eᵐōj aer ᵐōñā im mat, rej eakpel jān wa, im julok wit ɲa i lojet.
- [39] Im ke eraantak, re jaje āne eo: a rej lo juon ļam eᵐᵐan pikin, im rej pepe eļaññe rej maroñ in kaitaak wa ɲa ioon.
- [40] Im ke eᵐōj aer kōtļok koliklik ko, rej likūte ɲa i lojet, im jeļate jibwe ko, im jerak wōjle eo iᵐaan ñan kōto, im tōļļok ñan parijet.
- [41] A ke rej itaak i juon āne ijo jipikra, rej kaitaak wa eo ioon bok: im ᵐaan wa eᵐōk, im pād pen otem pen, a lōkōn wa erup kōn eļap ɲo ko.
- [42] Im ri tariᵐae rej pepe bwe ren ᵐan ri prisōn, ñe rab aōļok im ko.
- [43] A senturiōn eo, kōn an kōᵐaan loᵐooren Paul, ej bōbrae er jān aer pepe: im jiroñ bwe ro re jeļā aō ren kāllok ᵐokta, im ilok ñan āne;
- [44] Im ro jet, jet ioon ra ko, im jet ioon men ko jet jān wa eo. Im āindein er otemjej rej ilok ñan āne im mour.

JEPTA 28

- [Jr 28.1] Im ke emōj am tōkeak im mour, innām kōm jeļā bwe etan aelōñ eo Melita.
- [2] Im ri pegan raņ e jab e dik aer kōmanman jouj ñan kōm; bwe rej kōjo kijeek, im bōk kōm otemjej, bwe e wōt im bwe e piō.
- [3] Im ke emōj an Paul ae juon bōkan kane, im likūt e ña ioon kijeek, juon vaiper ej itok jān bwil, im ej eddāp ilo pein.
- [4] Im ke ri pegan raņ rej lo vaiper ej i pein, rej kōnono ippān doon, im ba, Emool armej iņ ri uror, eo meñe ej mour jān lojet, wānōk e jab kōtļok e bwe en mour.
- [5] A ej kowōtļok jedpānit eo ilo kijeek, im ejjeļok jorrāñ ippān.
- [6] A rej kōtmāne ñe en bōj, ak buñ im mej kiiōkiiō: a ālikin eto aer kōtmāne, im lo ejjeļok jorrāñ ippān, rej ukōt aer ļōmņak, im ba, e juon anij.
- [7] Epaak ijo āne ko an irooj in aelōñ eo, etan Pōbliōs: eo ej bōk kōm, im e jouj im lale kōm iuņwin jilu raan.
- [8] Im jeman Pōbliōs ej babu im nañinmej kōn bwil im kōn ilok lojien: Paul ej deļoñ ñan ippān, im jar, im likūt pein ioon, im kemour e.
- [9] Ke emōj an kōmanman men iņ, barāinwōt ro jet ilo aelōñ eo, ewor nañinmej ippaer, rej itok, im ej kemour er:
- [10] □Er barāinwōt eļap aer wūjtake kōm; im ke kōmij jerak, rej letok men ko jabdewōt kōm aikuj.
- [11] Im ilokōn jilu allōñ, kōm jerak ilo juon waan Alexandria, e kar pād ilo aelōñ eo iuņwin iien e piō, etan kakōļļen Lōmaro Po.
- [12] Im kōm ar po i Sirekus, im pād ie iuņwin jilu raan.
- [13] Im jān ijo kōm jerak im jeje, im itok ñan Rijiōm: im ilokōn juon raan kōto in rōk e buñ, im kōm itok raan eo ilju ñan Putioli:
- [14] Ijo kōm lo jemjein jemjaten, im rej akweļap ñan kōm, bwe kōmin pād ippaer iuņwin jiljilimjuon raan; im āindein am itok ñan Rom.
- [15] Im jān ijo, ke jemjein jemjaten rej roñ kōn kōm, rej itok bwe ren ioon kōm ñan Jikin wia an Appiōs, im Jilu Tavern; ke Paul ej lo er, ej kamņoolol Anij im e peranļok.
- [16] Im ke kōm deļoņtok Rom, rej kōtļok Paul bwe en make jokwe ippān ri tariņae eo ej lale e.
- [17] Im ilokōn jilu raan, Paul ej kokweiloktok ļeātōktōk an ri Ju ro: im ke emōj aer kweiloktok, e ba ñan er, Lōma, jeiō im jatiō, meñe ejjeļok nana I ar kōmanman ñae armej ro, ak ñae manit ko an ro jimņad, a ar ketak eō ri prisōn jān Jerusalem ñan pein ro ri Rom:
- [18] Er ke emōj aer ekajet eō re kōņaan kōtļok eō bwe in ilok, bwe ejjeļok ruō bwe in mej.
- [19] A ke ri Ju ro rej kōnono im juņae men eo, I ar ļōmņak emņan in ba, En ekajet eō Sizar; jab bwe jabdewōt ippa in kinaakļok kake aelōñ eo aō.
- [20] Innām, kōn men iņ, emōj aō akweļap ñan kom, bwe koņwin lo eō im kōnono ippa: bwe kōn kōjatdikdik an Israel tomede iņ ej dāpij eō.

- [21] Im re ba ñan e, Kõm ar jab bõk lõta ko jãn Judia kõn eok, im ejjelok jemjein jemjaten rej itok rej kwaok ak kõnono jabdewõt enana kõn eok.
- [22] A kõm kõnaa roñ jãn eok am lõmna; bwe kõn jar in, kõm jelã ijo ko otemjej rej kõnono ñae e.
- [23] Im ke emõj aer likūt ñan juon raan, elõñ rej itok ñan e ijo ej pãd ie, ej kamelejeik ñan er im kõnnaanõk er kõn aelõñ in Anij, im ej kauwe er kõn Jijej, jãn kien Moses im jãn ri kanaan ro, jãn jibboñ ñan jota.
- [24] Im jet rej tõmak men ko ej kõnono kaki, im jet re jab tõmak.
- [25] Im ke e jab bũrueir wõt juon ipaer, raar ilok, ãlikin an Paul kõnono juon naan, Emman an Jetõb Kwõjarjar kõnono kõn Aiseia ri kanaan ñan ro jimmani,
- [26] Im ba, Kwõn ilok ñan armej rein, im ba, Ilo ami roñjake kom naaj roñ, im jaje kake: im ilo ami lo kom naaj lo im jaje kajjen;
- [27] Bwe bũruen armej rein re penawiia, im lojilnier rej roñ jamõn, im mejeir re kilok; ñe raab lo kõn mejeir, im roñjake kõn lojilnier, im jelã kõn bũrueir, im ukelok im in kemour er.
- [28] Innãm komwin jelã, bwe mour in jãn Anij, Ej jilkinok e ñan ri aelõñ ko; im re naaj barãinwõt eoroñ e.
- [30] Im ej jokwe iumwin aolepen ruo iio ilowan mweo ej kõllã onãn jokwe, im bõk er otemjej rej delõñ ñan ippãn,
- [31] Im ej kwaok aelõñ in Anij, im katakin men ko kõn Irooj Jijej Kũraij, kõn elap peran, im ejjelok en ej bõbrae.